

書名 成案彙編二十六卷目二卷
 撰者 清 雅爾哈善 等輯
 卷 卷十二
 內容分類 史-政書 法令-刑案
 索書號 大木-法類-例案-6
 編號 B3850600

卷十二



成案彙編卷一

刑部 捐贖杖罪不照捐款案

刑部為據情題明等事議得據蘇撫陳 疏稱已革候選員外郎鄭

玉珩係威逼邱義二自縊身死問擬滿杖又史取善誣控黃履暹揭

父滅倫敗化案內所開之犯已革監生許華生已經審明並無主持

情事亦繹公引誘黃履暹起造花園楊廷鏢曾有罰修學宮之語余

繹廷鏢俱擬重杖余繹公係監生楊廷鏢係貢生均照律折贖

茲玉珩情願捐贖罪銀貳萬兩許華生被誣審釋請復監生願

捐贖楊廷鏢失言致罪自知悔艾願捐銀貳千兩余繹公願

捐贖兩各呈請具題以助水利工程等因具題前來查鄭玉珩

捐贖二料銀兩以致邱二自縊將鄭玉珩照威逼人死律杖一

彩色首頁1

東洋文化研究所漢籍目錄 編號: B3850600

東洋文化研究所漢籍目錄所藏漢籍善本文影像資料庫 索書號: 大木-法類-例案-6

漢籍善本文影像資料庫文本成案彙編二十六卷目二卷

版權所有: 東京大學 東洋文化研究所

使用上的注意事項

Handwritten text in a rectangular stamp, likely a library or archival mark, containing several lines of characters in a non-Latin script.



石印
字樣

石印

石印

石印

石印

石印



衛

官員家人擅至 官門約束不嚴處分案

兵部請

旨事會議得內大臣公馬 等奏稱雍正七年十二月二十日學士吳

家人拿着坐褥跟隨至乾清門臺階下邊有乾清門侍衛拿獲但該班護軍統領等係看守門庭之人仍將跟隨大臣家人任其跟進甚屬不合請將該班護軍統領等官交與該部嚴加察議吳 係內庭行走之員乃將家人帶至乾清門堵下不合請將吳 亦交該部察議具奏前來查律內擅入午門東華等門門官及宿衛官失覺察者杖七十官員犯罪杖七十者降一級留任等語應將署正黃旗護軍統領正紅旗蒙古副都統今補熱河總管花色廂黃旗護軍統領甘

成案彙編

卷十二

宮衛

一

均照例各降一級留任再查定例官員約束不嚴者降一級調用等語今學士吳 家人擅行跟入乾清門下則該員平日不能約束可知將學士吳 照約束不嚴例降一級調用可也

成案彙編卷十二

軍政

誘殺蠻兵捏稱臨陣擒斬擬徒恩寬案

刑部爲據報叅奏等事看得叅革署化林協副將事黎雅營遊擊高奮志進勦夾壩誘殺土官策零工布等一案據四川巡撫憲德疏稱瞻對土官策零工布自康熙四十二年內率衆投順授以安撫司職銜管轄瞻對地方緣裏塘過往兵民近被瞻對等處夾壩肆行搶劫因委高奮志領兵查勦高奮志遂調各土目赴營查究而策零工布屢抗不至又據土目七林平稟報策零工布肆調蠻兵欲行拒敵併修治木城燒草斷路等語及高奮志兵至菊登地方策零工布故遣伊子家人陸續餽送馬匹皮張等物至營窺探高奮志佯爲收受賞以綾緞銀牌等物好言慰諭以安其心雍正七年正月十五日高

成案彙編

卷十二 軍政

二

奮志兵至展多地方又遣土官索朗羅布往調詎策零工布外伏衆壓山梁復帶蠻兵數百來營相見高奮志詰夾壩情由策零工布卽抗言相對高奮志仍好言安慰始去次日復來據土目蕩平蕩戎稟報伊係打聽我兵虛實次日必來打仗等語高奮志遂設計遣兵分堵要路又預備鎗桿提防于十六日策零工布仍帶領蠻衆穿甲入見甫經交言而營前蠻兵喊聲震高奮志慮有急變卽用鎗桿將策零工布並隨從七人擊倒斬首時各路蠻兵向營攻殺官兵以鎗炮衝打至晚方潰乃高奮志不據實申報捏稱臨陣斬首希冀邀功及嚴訊高奮志堅稱實因策零工布屢調不遵叛變已著是以計擒斬首並非殺降構釁其所收禮物亦欲示以勿疑業已分賞兵丁並未入已亦無貪殘至策零工布之姪七立舒卽七林申因殺死隨征土目業太朋之弟又迎敵官兵被外委把總張漢臨陣擒殺並非

因其告狀殺以滅口歷審高奮志等所供與查取宣撫司安本等親供情形無異將高奮志依律擬以徒杖照例折贖外委把總張漢係臨陣殺賊應無庸議等因具題應如該撫所題高奮志合比依上書詐不以實者杖一百徒三年律應杖一百徒三年係職官照例折贖該撫既稱外委把總張漢係臨陣殺賊相應免議仍歸伍効力等語應無庸議可也雍正九年六月內奉

旨高奮志膂力壯健尚屬可用之材上年任國榮以伊殺降構釁貪殘暴虐揭報題叅朕卽疑高奮志未必酷劣至此今據審明蠻兵逆跡已著高奮志以計擒獲祇因希冀邀功遂捏稱臨陣斬首致干叅劾此乃武弁不學之常情鄙見其罪尚有可原高奮志着從寬免其處分現有漢中城守營副將員缺着將高奮志委署効力贖罪俟三年無過准其開復餘依議

哈密換班兵丁改於三八月到戍

陝督慶 爲酌改哈密防兵等事切照哈密地方有留防兵丁二千名先經

廷議二年一次更換嗣因全易新兵一切坐卡偵巡渠道耕種等事恐未熟練前督臣馬 奏明四月先換一半九月再換一半俾新舊相間得以教習一切卡防事宜等因在案今自乾隆八年夏秋更換之後至乙丑年又屆應換之期准安西提臣永 咨稱官兵抵防之期若在四九月一經新舊交代換回之兵五十日方得起程查橋灣至哈密一路軍務告竣以來新改臺站多係曠野並無店舍且原議官兵往回俱係步行每兵六名給車一輛止供載運行裝不能攜帶帳房盛夏人馬尚可野宿冬月塞外嚴寒兵丁晝旣徒行夜無棲居頗爲苦累似應稍爲變通請將四月應換之兵改於三月抵防九月應

成案彙編

卷十二軍政

四

換之兵改于八月抵防則應換之兵卽可于四月九月起程庶免道途之苦等情前來臣查派兵留防哈密原係安內養外之要務從前酌定四九月更換止議新兵到防未計換回之卒中途已值盛夏寒冬在各兵留邊防守二載原屬勞苦其歸途亦應體恤茲提臣永 請改三八月更換不過移前一月與戍卒有益亦可無悞邊防是否可行伏候

聖訓乾隆十年正月二十八日奉

硃批着照所請行

滇省撥兵堵禦瞻對番人

雲督張 爲奏報酌撥官兵土練防堵邊隘以遏瞻對賊番奔竄事
本年十月內准陝督慶 咨開准署川提咨于八月初一日具奏將
臣等齊底會合分遣官兵進剿事一摺恭奉

硃批瞻對若挺而走險捨準噶爾無可投此處宜加意防之並告之慶復
紀山及李繩武等欽此相應移咨等因查川省發兵進剿瞻對賊番
臣因滇省維西營所屬之奔子攔阿墩子翁書關大小中甸等汛與
川省之巴裡二塘相近行令鶴麗鎮總兵官康世顯維西營參將羅
英笏嚴飭沿邊汛弁董率目兵土弁加謹巡防並密詢川省督撫提
諸臣准到咨覆如有借重當星速飛咨策應緣由經臣于本年九月
內附摺奏明在案茲准前因臣查瞻對在四川打箭爐之外西通草
地青海賊首班滾胆敢屢肆搶劫平日料與準噶爾聲息相通今川

成案彙編

卷十二 軍政

五

陝大兵分中南北三路夾攻賊勢窮蹙誠如


聖諭捨準噶爾無可投臣以地勢計之賊番尚有西路逃遁川省既經遵
旨移咨堵禦自必調兵遏其去路滇省係在南路與瞻對中隔巴塘裡塘
川兵現由裡塘進剿賊心不能越此而南所有滇省沿邊各隘只在
稽察嚴密無需多兵防範但賊番敗北之餘鳥驚獸竄保無餘孽四
散奔逃誠恐前撥本地汛兵及附近土練一百六員名不敷分佈當
此准到來咨之項飛檄鶴麗鎮派撥鎮標馬步兵丁一百名並調維
西中甸土練二百名連前撥兵練四百名餘委鶴麗鎮右營守備陳
士俊帶領並派把總二員外委千把二員土千把四員于最要之翁
書關奔子攔了勤等隘卡嚴密分佈晝則會哨遊巡夜則多放冷卡
會同中甸守備劉廣仁實力堵禦以免疎虞並將應給口糧鹽菜等
項行令司道查例詳議據布政使阿 等會詳一切軍需請照乾隆

四年交匪吳長不法撥兵防堵之例給與事竣造冊詳請題銷支給糧米委維西通判王鐸督同中甸州判張秉彝就近辦理至土練口糧應照本地時價折給銀兩聽其自行買食以省領運之勞等情經臣批飭遵行臣又查時屆冬月沿邊一帶地方寒冷每兵預借一月餉銀俟撤師之日分作四季扣還至前撥本地汛兵及附近土練雖例不支給口糧但守卡日久邊地苦寒仰懇

皇上格外

天恩一例賞給口糧以昭體恤俟川兵凱旋卽行撤回等因乾隆十年十一月二十五日奉

硃批該部知道



不能堵禦凶苗土官寬免議處

貴撫元 詳請嚴叅印水土官楊進炯等雍正十三年十月二十四

日奉

旨黔省生苗不法勾結熟苗元展成哈元生身為封疆大臣猶不能撫馭
覺察於先亦不能防守堵禦於後楊進炯等僅一土官何能責以抗
鋒撫衆着從寬免其叅究該部知道

撲滅定番頑苗在事官兵給賞

乾隆三年六月二十五日奉

上諭據貴州總督張廣泗提督王無黨奏稱定番州之姑盧頑苗不知法紀妄肆跳梁叢爾小醜卽量遣官兵亦可卽時撲滅因思該處界在都勻定番之間苗狎環處未習見兵威與其兵少而時日稽遲不若兵多而成擒迅速比卽酌撥漢土官兵三千餘名分路會勦今文武協力弁兵奮勇旬餘之內逆寨悉經焚燬深箐遍處窮搜首惡先已成擒餘黨陸續就縛被虜民人等俱已各回故居軍務已經全竣等語姑盧頑苗雖屬小醜然不速行撲滅恐致蔓延爲附近居民之累張廣泗王無黨辦理妥協可嘉所有在事官弁兵丁着查明分別議叙賞賚以示獎勵該部卽遵諭行欽此

賞賚古北提標將弁兵丁並飭訓練綠旗弁兵騎射

乾隆六年八月初 日奉

上諭古北爲畿輔藩籬該提標所屬員弁素稱勁旅今因出口行圍親臨簡閱見隊伍整齊技藝嫻熟洵由統領大員董率有方將弁兵丁勤于練習所致朕甚嘉之提督已賞馬二匹茲再加恩着賞上用緞二疋副將着賞官用緞二疋叅遊以下守備以上官員每員賞給金牌一百千把總每員賞給銀牌二面兵丁每名賞給銀牌一面以示鼓勵至武備尤以弓矢爲要務向來綠旗弁兵亦知留心隊伍而騎射未爲長技該提督當不時訓練並將朕旨傳諭各弁兵等知之欽此

黔省弓箭手兵丁照滇省之例兼習弩弓

兵部為敬陳邊方武備之宜請設弩手以利戰守事議得貴督張

疏稱云查先經雲南巡撫張允隨條奏弓弩二項其制雖殊其威

遠則一所以從來軍器弓弩並稱查滇黔川粵湖南等五省在在

山密箐仄徑深林既非騎戰之地一切衝鋒陷堅追奔逐北全賴步

軍邊方素多霧雨動輒經旬弓箭鳥鎗一經沾濕施放多不應手且

險仄之地亦難于施放其輕捷神速不如用弩之便請以滇黔川粵

湖南五省每弓箭十名內宜設弩手二名教演精熟弓弩交用是亦

因形制勝等因具奏臣部議弓箭與弩弓俱屬行軍利器兵丁原當

兼習若必于弓箭手十名內改設二名則改為弩手之兵丁勢不復

留心弓箭難免無廢弛營務之虞滇省地處邊隅弩弓既係利用應

准其相兼操演至黔川粵湖南等省與滇省地勢未必相同應否兼

成案彙編

卷十二 軍政

十

習弩弓並有無利用之處行令該省總督會同撫提各按本地營伍

情形妥議具題到日再議等因題覆在案今貴州總督張 既稱黔

省在在高山深箐陰雨不常弓箭一項一遇潮濕多不應手鮮收實

效而黔省弩弓以木為質其力最勁而能遠到且不畏雨霧洵屬因

地制宜軍前利用之物黔省地勢情形原與滇省相同所有弩弓應

請照內部覆准滇省之例嗣後通行各標鎮協營遵照飭令弓箭手

兵丁將弩弓一併相兼操演精熟務與弓箭交相為用實于營伍大

有裨益等語應如該督所題黔省各標鎮協營弓箭手兵丁准其照

滇省之例兼習弩弓務令教練精熟以資利用可也乾隆五年九月

日奉

旨依議

奏遣大臣查閱各省營伍

左僉都御史嵇 爲請查閱直省營伍以肅戎政事乾隆六年欽奉
上諭武備關係緊要前已屢降諭旨令督撫提鎮等力爲振刷不得苟且
因循大約外省營伍整飭者少廢弛者多而撫標內尤甚嗣後各省
督撫提鎮等當敬遵諭旨以盡職守以勵戎行一二年後朕派公正
大臣前往驗其優劣等因欽遵在案今距降

旨之時已逾二年而各省督撫諸臣更調不一其留意整飭者固不乏人
而陽奉陰違亦所難免臣請于開印後卽行派遣大臣前往逐省簡
閱其邊遠省分或卽于駐防將軍副都統內慎選派往查閱如有將
弁貪縱不法兵丁缺額不補技藝生疎器甲朽鈍者卽着據實叅奏
以及沿途之墩堡塘汛驛站夫馬一並令其查核倘
命往之大臣如有徇隱擾累等弊一經發覺嚴加處分如此則煌煌

成案彙編

卷十二

軍政

七

諭旨不敢視爲具文而于整飭營伍綏靖地方之道大有裨益再苗疆屯
兵防範稽查是其常責乃平日則一任漢奸出入毫無覺察及至爲
匪而有名案犯不能竭力追尋或經數年未獲則安屯添汛之謂何
又聞此等不肖弁兵一切日用諸費皆取之于苗又虐使之而待之
以非禮遂至歷積于平時而衅開于一旦如城綏義寧等處苗案率
由于此伏乞

勅諭苗疆督撫嚴飭所屬悉心整頓毋得仍踵頽風庶宵小無漏網之虞
而善良益堅向化之志矣乾隆九年正月二十三日奉

硃批直隸山東武備尚屬整飭着先派大臣由河南一路查上下江一帶
餘着候旨餘着議奏該部知道

欽差查勘營伍之先毋許派兵修理軍械

福建道御史胡寶琛為請預嚴派累之禁等事近蒙

皇上特命大臣前往河南等省查看營伍所以核訓練之方杜廢弛之漸使戎行皆成勁旅而積習從此永除實於營制大有裨益臣竊以各處營兵雖不時差操究不免因循懈怠封疆大吏有控制之責而耳目難周即乘便巡查該將弁一聞此信惟圖掩飾不過使旗仗鮮整行隊分晰演陣一次便可了事而其修理戎器刻期墊補不無借派扣抵之累此向來之積習此次

欽差大臣查閱其器械之堅脆技勇之生熟人數之虛實糧馬之虧盈自難掩蓋惟是積玩之處旗帳甲冑弓刀馬匹之類此時聞風修整買補以蔽前愆勢所不免不肖營員或乘此借端苛派或此後坐扣月糧俱不可定伏念我

成案彙編

卷十二 軍政

十一

國家養兵恤士愷澤覃敷既裕之以名糧又加之以生息各處士飽馬騰仰藉

皇仁永資惠養若不預禁其派累或致兵丁坐虛數月之糧即有妨於生計臣請

勅下該部即速行文各督撫提鎮等嚴飭營弁通行曉諭毋得臨時派擾事後坐扣如有前項情弊立即查叅倘容隱徇蔽或經

欽差大臣糾劾或被確訪奏

聞將該管上司一併嚴加議處乾隆九年三月十一日奉
硃批着照所請行該部知道

遣差大臣查勘營伍

乾隆九年七月二十七日奉

上諭國家承平日久各省營伍日就廢弛朕早已知之並非因嵇璜之奏始遣尚書公訥親前往查閱亦因此番查奏而後始諭令整理也現據奏各處情形大槩甲仗旗幟尚屬鮮明而鳥鎗騎射各種技藝則皆屬平常蓋該管大臣聞朕命訥親查閱不無倉猝屏當然器械可以猝辦於臨時而技藝則向來生疎一時驟難熟練其間情事顯然該管大臣平日所司何事而輕視武備若此乎本宜槩行從重議處但人數衆多祇將甚屬廢弛者交部議處外爲此特降諭旨嚴行申飭該將軍督撫提鎮等各宜痛改舊習勤加訓練俾士皆精銳戎行改觀務期平時可資捍衛有事可以折衝禦侮孔子曰不戒視成謂之暴今朕與以三年之限着兵部請旨遠省地方亦必差員查閱其就近省分已經閱過者有無整頓亦必再行考驗該管大臣等皆朕信任之人於職分所在未能辦理以致營伍廢弛負朕委任之意豈不可愧此次派往查看之訥親及將來所遣之人俱係朕親信簡用者自必據實陳奏斷不肯代爲容隱倘此番訓諭之後尚不知自勉仍復因循怠忽視爲具文或經朕訪聞或被欽差查出則曠職之咎朕不能爲該大臣寬也着通行曉諭知之欽此

欽差閱過營伍情形並整頓事宜

吏部尚書訥 爲閱過營伍情形奏請

聖鑒事本年正月二十一日奉

上諭查閱外省營伍着尚書訥親去從河南至上下兩江一帶及淮徐山東一路查閱欽此臣遵于二月初三日起程前赴河南至江南山東查閱三省共計十七標除山東一省因天時炎熱免其穿戴盛甲擺列陣勢外其餘各營校閱之時一例穿戴盛甲擺列陣勢進退起伏坐作變換之法各省皆有不同卽本標與外屬協營亦非一式或係遵循管中舊制或依將弁指撥擺演雖步式間有參差尚能于旗鼓號令相應其他藤牌刀棍等項亦令隨營演試至于弓箭鳥鎗就綠旗中所有架勢逐加看閱除各標內尚不致全然生疎者謹分別優劣並查過各標營軍裝器械馬匹等項另繕清單恭呈

成案彙編

卷十二 軍政

古

御覽其弓馬鳥鎗生疎最甚者如河南南陽鎮標除新挑馬兵未經習技不能馳射外卽馳射者亦不過僅能發矢于架勢全未諳曉乘騎亦屬勉強步箭不但不能諳曉卽架勢平正舒展者亦少較之外標生疎者尤爲更多鳥鎗每隊九人施放仍多斷續不能聯絡至打牌步數較外營少一二十步通計所中人數一半有餘所中鳥鎗約有十分之一二蘓松水師鎮標原係水師營分鎗風折賊全在頭舵水手全施鎗炮弓箭臣閱水操時見其冲敵對陣之船隻進退參差來往間不能與陣勢相合及考驗兵丁弓箭鳥鎗均屬生疎與河南鎮標相類連環七人雖比南陽鎮標較少二人亦屬遲鈍水師職司駕駛旣不能駕船輕絕而習放鎗炮弓箭之兵丁又皆未能熟諳此二鎮兵丁操演實屬生疎最甚皆由平日該管大員不能勤加訓練所致

臣奉

命查閱營伍應據實叅奏請將二鎮交部察議以肅軍機至河南撫臣兼
管提督提臣節制各標督臣統轄全省各均難辭應請一併交部分
別察議再小省撫鎮各標河東河標各營兵丁盛尚明亮甲葉俱多
生銹其該管大員失察之處亦應請交部照例查議此外各標營內
除京口將軍標鳥鎗四人施放尚爲嫻熟如督標之弓箭鳥鎗並督
撫提鎮標營弓馬鳥鎗均未熟練尚不致如南陽崇明二鎮之全屬
生疎至所閱之漕河三標內河東河標又覺稍遜該三營雖有催漕
饋運之事然必有地方防禦之責與專司樁埽之河兵不同弓馬技
藝亦應操演純熟以上各標相應請

旨勅諭令其加意訓練以觀後效再京口將軍標駐防八旗漢軍與親標
綠旗合陣操演其弓馬架勢不過與綠旗相等漢軍原俱旗營應請
循旗人架勢演習相應請

旨並勅交該將軍遵照訓練至于各省弓力就臣查閱營分間有能挽八
九十力者五六力以上不過十之二三其餘多俱二三四力在兵丁
習射雖不能盡持挽強弓但二三力未免過于軟弱無資實用亦應
習挽五力以上方爲適中又各省兵丁就該標營所送閱者尚無衰
老惟江南提標有年老者據提臣云老兵可以教習新兵但就其弓
馬閱看亦不能嫻熟至墩撥防兵山東年壯者尚多其餘多半皆屬
老弱查墩撥防兵每墩不過數人每汛不過二三十人皆有巡緝差
防之責不應參用老弱以致有妨差緝兵丁漢仗惟山東一省尚屬
壯健河南次之江南又次之此雖限于地勢但綠營兵丁原取漢仗
召募之時應就各處人材挑選壯健庶于綠營體制相合再查各標
營督撫提鎮統司訓練其教導指授全在將備得人董率有方今臣
查閱各營員步箭平常馬箭生疎者甚多非盡屬年歲老邁之人卽

少壯中亦多有之安能望其教導兵丁弓馬嫻熟臣閱過營員如此其未經調考員弁想亦皆然應令督撫提鎮將此等年老著有勞績精力尚堪驅策與年壯弓馬平庸猶可造就之員酌量調補或調兼營或調簡缺至于精力衰憊以及年老不能造就之員應據實詳加甄別以上數條均關營制應請

勅下該督撫提鎮加意整頓又盔甲原係壯肅軍容據臣查閱各營步兵鎗手所戴之盔各有不同有鐵盔者有棉盔加釘鐵朶錫朶者亦有竟用棉帽不似盔式者在營陣猶不壯觀應令凡用棉帽之營分隨其管制酌量更換以歸畫一再各省墩臺臣沿途閱看河南大路爲最壯觀山東次于河南江南汛舖係用木建瞭望三省多係重修尚屬完整其餘偏僻小路俱不及大路整齊以上各省標鎮協營營伍優劣臣謹就閱過情形據實陳奏謹 奏乾隆九年七月二十九日

奉

硃批着照所請行該部知道欽此

欽差閱視營伍廢弛議處督撫提鎮案

兵部爲閱過營伍事覆尚書果毅公訥 將廢弛營伍之該管河南南陽鎮總兵已調四川川北總兵韓應魁等照例降調等由乾隆九年九月初四日奉

旨韓應魁着以叅將用胡貴着來京該部帶領引見再降諭旨碩色着照部議所降之級從寬留任朕念此係初次是以格外加恩從寬免其應得處分倘各省督撫提鎮視爲故常不加意訓練以致營伍廢弛嗣後若被查出則非不戒視成必將伊等照例治罪譚行義成元震完顏偉俱着罰俸六個月吳進義着銷去薦舉紀錄一次平常紀錄十次尹繼善着銷去加二級紀錄四次俱免其降調喀爾吉善着銷去紀錄一次免其罰俸餘依議

營汛廢弛議處案

工部爲遵

旨明白回奏事准吏部咨議得山西巡撫石 疏稱准部咨開雍正十二年十一月十九日內閣抄出奉

上諭據果親王奏摺內稱自京師前至西安一路見直隸陝西二省地方所有墩臺俱建造齊備且完固高峻一望可觀而山西之山徑向來竟未設立其平坦之處則僅存舊址墩臺傾圮已成土埠等語地方墩臺之設原以緝盜衛民所關甚爲緊要朕屢降諭旨不啻再三該督撫自應敬謹遵奉稽查辦理石 受朕委任親在地方何以疎忽怠玩至此着石 明白回奏王狃身爲山西巡察此等現有關係而顯然廢弛之事並無一語奏聞其所奏者皆不應陳奏之件若非年老糊塗卽係苟且塞責不肯矢心任事王狃不宜巡察之任着調取

成案彙編

卷十二

軍政

六

來京欽此欽遵查營汛墩臺一項前撫臣諾岷遵

旨整勅營伍奏明令塘兵俱挈眷居住飭令各屬每汛營房添造修建總以十間爲率駐兵五名長川防守查自平定州起至蒲州府止係由京往陝之大路計長一千二百餘里舊設塘汛墩臺道理遠近旣不適均且有舊路被水冲塌新改之大路相離舊墩隔遠者又有低窪狹隘不敷建蓋者彼時各屬因地制宜酌量道里揆度衝僻可以就其舊址蓋房十間者卽于原處建蓋並將舊有墩臺照式修整其舊有基址不敷建蓋以及遠離新改之大路而不能適合平安設營汛之里數者卽移于二三里之外擇其寬廠衝要處所蓋房十間另築旗臺一座所有舊墩相隔旣遠不復修築他如烟墩界牌等項新舊一律建設則皆完固整齊共設塘汛一百二十二處以資防守告竣之處前撫臣諾岷委員查驗因臺上俱立有旗桿槩名之曰旗臺止

分別新舊旗臺造冊申報未曾註明高低字樣臣按冊而稽每汛之營房烟墩旗臺界牌俱屬齊全無缺歷年以來每于霖雨之處秋冬之際飭令各屬及時查修務須完固節據各屬咸以修葺堅好申覆茲果親王摺奏晉省墩臺山徑向未設立平坦之處僅存舊址墩臺傾圮已成土埠等語臣復差員查看現在塘汛之營房烟墩界牌俱皆堅固整齊兵丁挈眷居住防守汛地其房旁之墩臺如係昔年舊有者則有一丈七八尺至二丈及二丈餘之高亦皆完固如係從前移建他處新立之旗臺雖無坍塌損其臺身之高則係四五尺以至七八尺不等至于山徑之處俱設有營伍烟墩旗臺祇因地居高埠可以望遠向未設有墩臺舊址傾圮者卽係彼時移建營房之後所遺之舊墩也所以歷年以來營房烟墩旗臺界牌等項遇有損壞地方官照依前式修竣營員亦俱照舊接管而臣亦止慮其現有者或至

頽圮時飭查修未能察其臺之高低參差早爲加築高峻此實臣之智識愚昧耳目不周疎忽之咎誠無可遁謹據實回奏等因奉

旨這回奏情節該部嚴察議奏欽此欽遵抄出到部查烟墩旗臺之設原以整飭營伍緝盜衛民石 身任巡撫理應不時查察督率屬員一律修築乃漫不經心以致墩臺並不齊備完固及奉

旨令其明白回奏始稱未能察其臺之高低參差早爲加築高峻疎忽之咎誠無可遁等語回奏顯屬怠于稽查廢弛營伍應將山西巡撫覺羅石 照例降三級調用有紀錄二十六次應銷去紀錄十二次抵降三級免其降調等因雍正十三年二月二十三日奉

旨石 着銷去紀錄十二次抵降三級免其降調

楚省提臣巡察營伍三年一週

兵部等部為請

旨事會議得湖督阿 奏稱提臣每歲秋收之後巡查營伍等因具奏前來查楚省南北地方遼濶提督三年遍巡一次不獨多需時日且恐在外日久衙門一應公務難免貽悞今該督所請提督每年察其緊要巡查數處於整理營伍之道深為妥便事屬可行應如該督所請湖廣提督准其每年秋收之後咨商督臣擇其緊要營伍輕騎戒從巡查數處務於三年之內輪巡周遍考核官兵點驗軍械查看塘房照例出結移送總督年底彙送臣部查核再該督奏稱提督衙門養廉之外並無間款可動查武昌廠關口岸盈餘銀兩原留地方裨益兵民之用可否每年

賞銀三百兩以為巡察賞號之費等語查提督係統轄大員有節制全省

成案彙編

卷十二 軍政

二十

之責巡查營汛若非定有勸懲未足鼓勵弁兵亦應如該督所請湖廣提督每年巡察所屬營分准給

賞銀三百兩以為賞號之費至所請武昌廠關口岸盈餘銀兩動給之處亦應如該督所請准其照數動支按年報明戶部查核乾隆九年三月初五日奉

旨依議

陝西提臣巡查營伍照楚省例三年一週

兵部為變通普巡之章程請

旨遵行事議得署陝西固原提督段起賢疏稱陝提統轄二鎮管屬四協
東西南北不下萬里地方遼濶管汛繁多普巡一次道里迂迴非半
載有餘不能周遍出外日久公事難免貽悞請將陝提所轄地方做
照湖督阿 題准巡查之例改為秋收之後察其緊要邊營酌量巡
查三年之內輪巡周遍等語查陝提所轄延綏興漢河州三鎮西鳳
潼關慶遠陽靖四協管汛繁多地方遼濶提臣于一年之中遍歷巡
查路途遙遠既需半載有餘方能遍歷未免離營日久轉于公務耽
延應如該署提所請陝提所轄各鎮協管准其于秋收之後即照題
明先後次序分別按年巡查統于三年之內普巡周遍凡遇該提巡
查鎮協仍照定例該鎮停其出巡固屬之該協亦停其委員查點以

成案彙編

卷十二

軍政

三

舒兵力乾隆九年十二月十七日奉

旨依議



征剿苗特設經畧節制調遣

雍正十三年十月初五日

總理事務王大臣辦理苗疆事務大臣奉

上諭黔省逆苗不法地方文武官弁不能先事預防及苗衆猖獗用兵征剿而領兵大員又復各持己見不能和衷共濟加以張照舉動乖張妄行調遣以致辦理失宜用兵數月仍無頭緒朕心實爲憂慮因湖廣總督張廣泗才品優長且從前久任苗疆諸事熟諳是以命其前往代張照之任今思用兵關係緊要事權若不歸一難以早奏膚功張廣泗着授爲經畧自揚威將軍哈元生副將軍董芳以下俱聽張廣泗節制調遣所有經畧印信着該部速行鑄就遣官賚送軍營欽

此

綏遠城設立將軍駐防兵丁案

戶部爲遵

旨議奏事內閣抄出總理事務王大臣等議奏據正紅旗滿洲都統王常等將看明歸化城隣近地方築城駐兵事件具奏奉

旨着總理事務王大臣等議奏欽此議得王常等奏稱臣等至歸化城會同通智等查看築城之處侍郎德佩具奏依克圖爾根地方甚屬寬濶係軍營往來大道總滙之區卽在此處建城其城垣用磚鑲砌城上舖磚至將軍副都統官員兵丁等之住房公署倉庫教場共應需若干間城垣應需多大交與工部查例派賢能章京二員令往歸化城交與通智將一應物料腳價等項悉行估料詳議具奏由戶部解送錢糧建築其蓋造城垣需佔地方交與丹津等查明隣近空地給還本人若無空地通智等量折銀兩至工程所用木料將水那山偷

成案彙編

卷十一 軍政一

三

砍堆積大小木植共十三萬件取用如近者車載遠者紮筏交與派出監督商酌辦理不敷木料從水那山砍取至工程處需用匠役甚多難免爭鬧事件應交與通智等派官約束等語俱應照王常等所奏辦理又奏稱新城內駐劄兵六千名內將右衛兵移駐三千名其右衛尙存一千名兵丁設立副都統一員滿洲漢軍旗分每翼設立協領各一員八旗共應需佐領拖沙拉哈番品級章京驍騎校各二十員仍屬將軍管轄其右衛存下副都統令禮部鑄給印信再右衛原有筆帖式四員應跟隨將軍移駐新城交與吏部另補放筆帖式二員前往右衛俟城工告竣將右衛兵三千名熱河兵一千名家選兵二千名移駐後該將軍等分別滿洲蒙古漢軍旗分每旗每翼設協領各一員五十名兵丁作爲一個佐領六千兵共設佐領拖沙拉哈番品級章京驍騎校各一百二十員其官員應行調補添設之處

令該將軍等辦理右衛兵丁俱照右衛之例每月支給錢糧各三兩十名口糧拴馬三四其熱河兵一千名家選兵二千名每月亦支餉銀三兩每人各拴馬三四伊等家口無多每月應減半支給口糧至歸化併右衛蒙古原食減半俸餉伊等既在移駐三千名兵丁數內應俱各給與全俸餉銀伊等家口既少亦應減半支給口糧其米石俱各半本半折前項兵丁遷移之時令兵部查明各該處人口數目照例以名口合算程途撥給米石腳價令其搬移俟右衛兵丁遷移之後將存剩一千名兵丁全行搬移城內其城外空房交與地方官變價將數目報明巡撫入于錢糧內應用兵丁馬匹仍在右衛舊牧廠牧放如若不敷在于昆都倫等處該將軍酌給等語查蓋造新城移駐兵六千名應放將軍一員副都統二員自右衛二員副都統內存下一員將一員移住新城仍需放副都統將軍應交兵部照例題

補管轄其右衛建威將軍印信卽給與新將軍外右衛副都統應交禮部鑄給印信至王常所奏每兵五十名設立佐領拖沙拉哈番品級章京驍騎校各一員則兵少官多矣應照例每佐領設爲兵一百名其官員調補添設之處新將軍副都統預先前往辦理再右衛將軍衙門原有筆帖式四員副都統衙門事務無幾卽在此四員筆帖式內右衛存留一員其餘三員令跟隨將軍移駐新城毋庸另行補放至右衛移駐三千名兵丁仍照右衛之例支給餉銀米石拴養馬匹其熱河兵一千名人口既少應照舊支給餉銀二兩給與五名口糧每人各拴馬二匹家選兵二千名支給錢糧口糧拴養馬匹之處俱照熱河兵丁之例再此三千名兵丁起程之時撥給官車腳價其應給馬各二匹查熱河兵丁原有備操現拴馬四百匹卽撥給伊等外尙有不敷馬匹俟到新城時通智等再行于隣近渣薩克處官馬

丙撥給并將此六千名兵丁分別滿洲蒙古漢軍應給口糧馬匹料
草半給本色半行折價并牧放馬匹以及歸併蒙古官兵給與全俸
餉銀之處俱照依等所奏俟城工告竣官兵搬移之時兵部會同戶
部查明定例合算人口數目以程途計算撥給米石車腳等項令其
搬移其熱河兵一千名料理起程事件兵部核明戶部派委章京帶
領錢糧前往會同色穆德并熱河總管料理起程令色穆德將此一
千名兵丁照看送至新城再行回京其右衛餘存一千名兵丁俱令
城內居住城外所有閑空房屋交與地方官變價報明該撫入于錢
糧內應用又奏稱通智具奏山岱等七處地土肥壯實係可種之地
山岱一處地畝有一千五百頃零原係右衛兵丁耕種交糧無多且
與兵丁亦屬無益應交通智召民耕種查木哈克地方有地二千五
百頃零原係軍前逃回鄂爾多斯犯罪之蒙古居住伊等俱邀恩撥

回各原旗管轄將地畝撤出召種其忒穆爾俄爾乎渾津二處所有
地共二千六百頃零原設十三個庄頭居住耕種伊等既情愿將地
交回遷移內地應俟本年收穀之時將應交米石豁免卽賞與伊等
交與內務府派員約束遷移口內料理安插將伊等地畝召民耕種
其西爾哈等三處土默特人等馬廠地共七千餘頃查從前土默特
之牧廠原在渾滾嶺外昆都倫等處因額駙敦多卜多爾濟之人佔
去故將西拉哈等三處作爲牧廠交與理藩院行文額駙將伊屬下
侵佔昆都倫等處地畝全行給回土默特人等牧馬所有西拉哈等
三處地方令尙書通智召民墾種以上除不算清水河二萬七千頃
地畝外將此七處全行開墾之後共一萬六千頃有零每畝交米三
升十觔草一束約計每年可得倉米四萬石草一百五十萬束零從
戶部撥銀二十萬兩送至歸化城尙書通智等令承種熟地人等自

本年交納米石草束其有力人民情愿墾種交糧並借給銀兩開墾荒甸耕種者免交二年自第三年起徵收米石草束如有無力良民通智等交與官員查明借給銀兩僅敷置立牛隻農具籽種免交一年自次年起徵收米石草束所借銀兩于交官之年起作為十分由辦理糧餉同知衙門每年交收一分入于兵餉內應用至召民逐畝開墾俟分別肥磽之時通智等將應否加減草束糧石之處定議辦理如查看開墾地畝官員不敷通智等奏請委用其種地事件預先舉行應新設同知交與吏部先行揀選補放跟隨通智辦理至前項駐劄官兵俸餉米石折給銀兩照右衛之例約計每年應需銀七十一萬兩零米除折價外應需十五萬倉石其移兵之年由晉撫運至放給至次年應需米石令通智等將年前所收米石數目預行巡撫除去將應需米石該撫運送等語查王常等將山岱等七處地畝查

明俱係肥地全行開墾之時每畝交米三升草一束重十觔約計每年可得米四萬倉石草一百五十萬束零所有開墾地畝召民耕種委員辦理等案悉行議奏應俱照伊等所奏并應將查穆哈克駐劄鄂爾多斯犯罪之駁回各原旗交與扎薩克等嚴行約束又忒穆爾俄呼渾津二處庄頭應交內務府派員約東遷移進口將所存地畝酌量撥給并交與戶部撥銀二十萬兩解送歸化城以備耕種地畝初年應需米石令晉撫運送次年應需米石令通智將年前所收米石數目移咨晉撫除去其不敷米石運送其應設同知交與吏部揀選補放前往再查移駐新城右衛之兵丁三千名原先在本處每年應需米七萬石零并家選兵二千名熱河兵一千名俱遷移之後連官員又應需添運米七萬餘石雖將前項地畝全行開墾耕種每年始得米四萬餘石邊外駐兵米糧最關緊要不可不以永遠計算詳

細辦理臣等詢據王常相修等口稱有賞給喀爾喀恪靖公至清水河地方地二萬七千頃零而額駙屬下人等所佔耕種地畝甚多大約有五六萬頃將此項地畝如令官種收糧則官兵口糧米石大槩可以足用等語切思額駙敦多卜多爾濟除清水河之地畝外又有八處庄頭地畝且清水河處伊屬下人等所佔耕種地畝較原賞地畝多出地二分有餘額駙回往喀爾喀處之時此項地畝抑亦應招民耕種應行尙書通智等查明原賞給地畝如何折價賞給額駙銀兩并將屬下人等多佔地畝撤出作何料理將前項地畝俱作爲官地招民耕種交糧之處詳細妥議具奏等因于乾隆元年四月初十日奏奉

硃批依議築城開墾事件着交通智總管辦理右衛兵丁暫行停止遷移俟城工告竣之時另降諭旨

甘肅邊界駐防定議

果親王等爲遵

旨議奏事會議得邊界定議之後巴爾庫爾兵丁全撤之時所有駐防哈密兵丁前經署大將軍查 等奏准五千名在案此駐防哈密兵丁例應輪班更換先經臣鄂 等以換班防兵若在內地派撥前往則長途往返于兵丁馬匹均屬勞頓是以議于安西等處添設一提一鎮兵一萬名各令搬移家口前往駐劄則換班之兵即可就近派往等因在案今據署大將軍查 等奏稱添兵萬名需糧料十萬餘石安西屯地不過三千餘石所收糧石甚屬不敷若折給銀兩則糜費過多且口外別無出產兵丁無處購買如從內地運供不特過費錢糧抑且重勞民力况兵丁搬移家口更多糜費卽修建城堡改造營房等事一切工匠均須于甘涼一帶僱募其盤費口食工價倍于內

地且口外採取木植搬運工費尤甚浩繁臣等愚見與其重費帑金而兵丁之糧料家口仍費周章不若更番迭戍旣可以省糜費亦可
以經久遠請將駐防哈密兵五千名就近于肅鎮甘提涼鎮西寧鎮各派撥一千名合足五千名令在哈密駐防等語查前議安西添設提鎮官兵原以彈壓邊陲聲援哈密今查 等熟籌安西出產之米糧兵丁之口食奏請于甘涼西肅安西一提四鎮兵內各派兵一千前往哈密輪班駐防似此更番迭戍實與添設提鎮無異而口糧易辦經費不繁查 等所奏似屬妥協應照所奏安西地方不必添設提鎮兵丁其應赴哈密駐防兵丁于甘涼西肅安西一提四鎮兵內各派一千共五千名俟邊界定議之後暫駐巴爾庫爾兵丁應撤之時再令前往駐防又查前議安西地方若添設提鎮官兵卽足資策應巡防之用是以無庸另派內地官兵前往駐劄今旣不添設提鎮

兵丁則安西一帶存該鎮屬兵七千餘名內又派往哈密一千名存營兵丁僅六千餘名自應于內地標營撥兵前往駐防以爲哈密聲援應如查 等所奏于陝西督標派撥一千名固原提標并各協屬派撥一千五百名延綏寧夏各派撥一千名河州派撥五百名共五千名在赤金靖逆柳溝布隆吉橋灣等五處分駐就近于各廠牧放馬駝又查駐防哈密兵丁如何換班之處前經臣豐 等議俟查等回至肅州時令會同劉 等議奏等因在案今查 等既稱赤靖等五處之兵二年期滿應全行更換其哈密兵丁應每年更換一半則一半熟手即可教習一半新兵等語應照查 等所奏行又查哈密防兵及赤靖等處防兵均須總兵副將大員統領應如查 等所奏各派總兵一員副將一員帶領叅遊都守千把分管其總兵副將應更換之時俱令陝督在兩提八鎮內挑選精明強幹之員開列請

旨欽定其叅遊都守千把等官各隨標營派其駐防赤靖等處之總兵副將以及領兵各官俱于兵丁換班時一同更替其駐防哈密之總兵副將令一年更換總兵一年更換副將領兵各官亦令新舊相間更換班屯田坐卡諸事俱有新舊官介駐劄管領再哈密駐防兵丁及赤靖等處防兵雖各派總兵統領但大兵甫自巴爾庫爾撤回兩總兵駐兩處必得一總統大臣節制彈壓更爲有益應請再派提督一員駐劄哈密節制兩處駐防之總兵居中調度至一二年後或仍另派提督換班或將提督撤回只用總兵二員便足經理再令該督提等妥議請

旨又奏稱一應軍裝馬駝如駐劄哈密者即留在哈密如駐防赤靖等處者亦俱留在原防處所俱令前後官兵交代明白如有損壞者即令各該營添補更換至換班兵丁攜帶行李衣服等項亦甚輕便其督

標固原延綏寧夏河州各兵應俾赤靖等處駐防者內地俱撥給所
車每兵八名撥車一輛如有不敷照從前所車不敷定例僱車接替
自嘉峪關出口令各該衛所僱車載運至哈密駐防之換班兵丁除
安西兵丁應照所奏令將該管駝馬就近馱載更換外至甘涼西肅
兵丁查 等請令各該管備騾車一百輛裝載往回一年行走一次
其騾頭令加謹牧放等語但換班兵丁預備騾車一年既止行走一
次則平時俱屬寬閒且騾頭非馬匹之經年牧放可比若春冬之間
不飼喂料豆必致臙力減損不能適用一至車騾損壞兵丁行走勢
必于標管攤派賠累未免滋弊今需用騾車每處不過一百輛爲數
不多若干臨時僱募似可應用無悞應令查 等再行酌量可否于
臨時僱募應用抑或必須預備騾車將如何經營收喂並如何准其
開報倒斃之處一并妥議具奏又據奏稱應支口糧查駐防哈密之

兵現有蔡巴什湖墾地應酌量兵力就便屯種計防兵五千名連領
兵將弁歲需口糧一萬五六千石屯種收穫儘足供支至駐防安西
之兵五千石連領兵將弁歲需口糧一萬五千餘石而馬匹依照口
糧之例冬夏俱令牧放無庸另給草料所需口糧卽將所留馬馱赴
肅馱運關支其各衛所官屯地畝應令交與安西鎮標兵丁承領屯
種爲伊等恒產卽以收穫籽粒供兵丁口糧其所不敷照例折給銀
兩等語查防兵口糧前經臣鄂 等議將哈密安西柳溝諸處官屯
地畝撥給各兵就便屯田以足兵食再現今巴爾庫爾餘剩糧石亦
經臣豐 等議令運回哈密以備供支是哈密駐防官兵既有運回
存貯之糧又有蔡巴什湖每年屯種收穫之糧供支自屬充裕其駐
防赤靖等處官兵查 等請將馬匹照口外防兵之例冬夏俱令下
厰牧放所需口糧卽將所留馬馱令其赴肅馱載雖于錢糧可以節

省但防兵馬駝原備調遣行走務期膂力壯健若又令其赴肅馱運口糧難保其不致疲乏倘一時猝有行走轉恐未能適用是兵丁馬駝未使用以馱運口糧查橋灣布隆吉諸處前據劉 奏報將起運在途之軍糧三萬五千石截留橋灣布隆吉等處修建倉廩收貯此項糧石足供防兵一二年支用惟是數年後應如何設法運供之處不可不預爲籌畫應俟查 等回至肅州時令會同劉 等另行詳悉妥協定議具奏其安西等處各衛所官屯地畝應如查 等所奏俟本年秋收後令署督劉 等查明撥給安西鎮標管兵丁承領屯種爲伊等恆產卽將所收糧石供兵丁口糧以省內地輓運其有不敷仍照例折給銀兩又查甘涼西肅挑選戰兵揀演預備之處前經臣鄂 等議于甘提涼肅鎮各挑戰兵五千名西寧鎮挑戰兵七千名共二萬二千名加意訓練預備調遣等因在案今查 等以安

西兵丁有汎守屯田之責不便算入戰兵數內無庸挑派其甘提標應挑戰兵五千名涼鎮標屬應挑鎮標五千名其西寧鎮止可挑戰兵五千名肅州鎮止可挑戰兵三千名其不敷之四千名在固原就近標協寧夏河州就近標管挑派以足二萬二千名之數應俱照查 等所奏行又查肅州一鎮地處邊鄙現在挑選戰兵原爲隨時調遣其城守汎防之處亦應一弁籌議應如查 等所奏添設肅州城守一營于標管兵內摘派步兵二百名守兵三百名另設城守營都司一員千總一員把總二員專司城守汎防之事其鎮屬標管兵丁如何摘派之處應令署督劉 查議具奏又據奏稱肅鎮爲臨邊重地自應重兵彈壓今肅鎮標合計新舊兵共二千九百餘名臣等思見肅鎮標馬步戰兵應添足三千之數將新募之守兵卽撥入城守營添設守兵數內則鎮標三營有馬步戰兵三千名方足以重邊地

防守壯塞外聲援等語查肅鎮現議挑派戰兵三千名撥演備用則肅鎮標馬步戰兵應如查等所奏添足三千名之數其現在守兵卽撥入新設城守營之守兵數內其不敷戰兵今該鎮募補足額又據奏稱前議應留應撤之兵業經奏請將甘涼西肅大通之兵全行撤回于督標固原延綏寧夏等處挑一萬一千名留駐如口外不設提鎮于陝甘兵丁內換班則應留應撤之兵又須通融辦理等語查現今巴爾庫爾留撤兵丁前經查一等奏請將甘涼西肅大通之兵全行撤回于督標固原延綏寧夏挑留一萬一千名駐防在案今安西地方既不添設提鎮兵丁而哈密防兵卽在甘涼西肅安西等處派出赤靖等處防兵卽在督標固原延綏寧夏河州等處派出則現在巴爾庫爾應留撤之兵自應通融辦理應令查一等再行酌量俟準噶爾額爾沁回後一面辦理一面奏

聞可也雍正十三年九月內奉

旨依議

黔省安籠等鎮酌改營制

兵部爲敬籌黔省營伍事宜仰祈

睿鑒事議得貴督張 等奏稱黔省營制等因一摺查移駐官弁裁并營汛原當因時制宜處於地方有益黔省安籠鎮標中左右三營原額兵一千八百名於議裁新添案內裁減一百五十名現在兵壹千陸百五十名該鎮標三營存城向係中右二營及左營守備千總其左營遊擊一員把總二員帶兵駐劄捧鮮汛把總一員帶兵駐劄黃草坭今該督以控制夷獍捧鮮實爲要地而黃草坭爲滇黔粵西三省門戶請將左營官兵全行撤於黃草坭捧鮮三江一帶分布并改塘爲汛裁并官弁酌添兵丁均因地變通應如所請安籠鎮標左營原捧鮮之遊擊千總外委原帶兵五十名再添一百九十名准其駐劄黃草坭原防安籠鎮城之左營守備一員把總一員外委把總一員

帶原兵一百四十名再添兵三十九名駐劄捧鮮汛把總一員帶原兵二十名分防白雲壘汛把總一員帶原兵四十名駐防法巖千總一員原帶兵四十八名再添兵十二名駐防歪染汛撥兵拾名於巴結坭榜各安一塘每塘設兵伍名革上一塘江底一塘俱准其改塘爲汛設外委把總一員帶兵十名把守渡口其左營原防之塘汛令中右二營撥防中右二營存城之兵旣係單弱應各准其添兵伍十名至貴陽城守營存兵不敷分派亦准其添兵伍十名惟貴定縣設有平伐新添二營其平伐營原設都司一員把總二員准其裁去并裁去兵二百四十名所裁都司把總俟遇缺出另補其餘千總兵丁歸并新添營分爲左右二哨左哨千總帶兵八十名分防平伐安設等伍塘外委把總一員帶兵二十名防守平伐原防之谷塘汛并安設法人等陸塘貴陽營另委隊目一名帶兵伍名永防毛基堡新添

營於平伐汛委隊目壹名帶兵伍名永防穀衝新添營原防新安汛
兵舊貴陽縣汛兵尖山汛兵栗木汛兵俱照數准其減撤平伐營原
防龍里汛准其改歸定廣協分防於裁減平伐營兵丁內撥肆拾名
歸定廣協并該協存城兵內再抽派叁拾名共柒拾名委把總一員
帶領龍里并安設在城穀脚等伍塘其平伐營撥歸安籠鎮之兵壹
百伍拾名既因道路遙遠不免費累應將愿遷者先行發往如不足
數照數募補其不愿兵丁令新營管束俟該兵事故缺出陸續扣除
仍令該督等將移駐裁并官弁兵丁姓名數目逐一分晰造冊報部
查核 又奏稱威寧一鎮僻處黔之西隅地接滇南路通巴蜀水城
一營請割隸威寧統轄等語查大定協副將之管轄水城營既距大
定寫遠稽察難周距威寧僅有二日之程應如所請水城營准其改
歸威寧鎮統轄就近稽查整飭 又奏稱黔省營制馬步而外復有

餘丁一項其餘丁名目請悉數裁除等語查先經前任貴督尹 以
所設民壯一項不足資其捍禦徒費錢糧奏請裁減并清出各營兵
目佔食伙糧卽以減民壯工食清出伙糧常川分養餘丁每名每月
給銀伍錢隨營差操免其遠處差使營中出有糧缺卽於餘丁內擇
其技藝熟練者拔補仍於兵丁子弟內挑選精壯頂補餘丁之數遇
有出師調遣營中有此餘丁防守城汛營伍仍然充實等因具奏經
戶部會同臣部覆准在案貴州省共裁減民壯貳百柒拾捌名各營
陸續招養餘丁貳百貳拾捌名各標協營清出伙糧肆百叁拾捌名
共招養餘丁壹千貳百玖拾叁名每年造冊報銷今該督以各營不
特技藝全未熟諳卽求一年力精壯之人亦不多覲細加查詢在當
日招養餘丁之始未嘗無壯健之人嗣因歷案添兵其年力稍壯者
俱已挑選入伍而承充之餘丁悉皆幼穉子弟若欲另募壯健入冊

則每月餉銀僅有伍錢計及衣履日用之費實屬不敷情愿別圖生計勿肯羈縻行間現在入冊之餘丁多係幼穉遇有糧缺斷難推選入隊是徒博多兵之虛名糧餉究糜於無用仍令各營按守召募原額充伍其餘丁名目請悉數裁減之處應如所請各標鎮協營現在餘丁准其悉數裁汰可也乾隆十年二月二十六日奉

旨

成案彙編

卷上

軍政

五

粵東考驗新拔兵丁定例

廣督馬 爲遵

旨議奏事本年七月初一日接准廣東提臣林 原奏一摺奉

硃批交馬爾泰聽其議奏欽此移交到 臣伏查營伍兵丁首重技藝凡有新募及由守拔戰由戰拔馬皆應加意挑選方可以勵戎行而肅武備各有定制各鎮協營由來鎮標由鎮臣驗補鎮屬各協營由該營將備驗補循行已久第將備中或有賢否不齊拔取未當致啓廢弛之流不能鼓勵士氣關係戎行今提臣林 議令鎮臣於九月間出巡時本年拔補各兵順便考驗實防微杜漸之法應如所奏嗣後鎮臣屆期出巡時飭行各協營將上年九十月後陸續拔募之兵彙造一冊註明本籍及執用器械入伍月日呈送鎮臣於閱操後按冊點驗如有新補守兵不曉技藝及所拔戰馬各兵技藝之生疎飭革除

名另行拔募并將該將備揭參照註劣爲優例議處至臣標五營及肇慶水師營向例臣親率各營將備驗補提標五營及東莞營惠州協向係提臣衙門驗補毋庸另議尙有不隸鎮標之廣州肇慶二協增城平海大鵬三營除廣州協增城營提臣議於因公赴省就近調驗應請照行其肇慶一協提臣亦議因公赴肇始行調驗之處查該協與總督衙門同城所屬弁兵臣向因新授之兵一體閱操考驗則新兵可令其於閱操後另冊送總督衙門點驗毋庸緩俟提臣來肇始行調驗再平海大鵬二營僻處海濱不近惠州提臣林 雖稱應飭該二營員弁於因公赴省并四季請領時順送閱驗等語但查此三營派撥護餉之兵止係數名若領餉要務概用新兵水陸程途亦屬不妥卽員弁因公赴省亦不過隨帶本目一二件當差遣若將新兵俱令順帶赴惠考驗不惟跋涉維艱且致虛懸汛守案查乾隆二

年兵部議覆前任督臣鄂 具題廣東各鎮巡閱營伍一疏內開不
隸鎮標各協營聽提督於保題軍裝案內委員一并查點如果營伍
整飭技藝嫻熟結報提督咨部等因是平海大鵬二營提臣原有點
驗官兵之責所有新兵技藝即可委員點驗如果合式則據實結報
生疎則呈覆會參如此在通省將備俱知儆剔而邊海兵丁亦無跋
涉之繁矣乾隆九年九月初十日奉

硃批依議

成案彙編

卷三

軍政

三

綠旗兵缺挑補旗營餘丁

閩浙總督郝為遵

自酌議奏覆事竊照將軍臣阿爾賽奏請軍標綠旗兵缺分別挑補旗營餘丁一摺欽奉

硃批着郝玉麟再行酌議欽此仰見我

皇上慎重營伍挑補餘丁務期允協之至意臣細加酌議前蒙

世宗憲皇帝諭旨軍標綠旗兵丁缺出即將漢軍餘丁頂補者原為漢軍駐

防久生齒繁而餘丁已多也自奉

俞允綠旗兵丁內食糧至二十年以上所出糧缺着伊等子弟頂補者欲令該兵等與甲兵一體咸沐

皇恩使之各得其所也今阿既稱四旗壯丁僅止一千九百三十三名而四旗食糧之兵計有二千七百五十名壯丁為數不多則以現在

成案彙編

卷十一

軍政

三

之壯丁補將來之兵缺不至久為曠廢應如所請於綠旗兵缺內統共賞給四百名即為四旗定額其未補一百九十二名於兩營所出四缺內挑補一名其餘仍歸兩營餘丁通融挑選人材技藝兼優者頂補務收實用毋庸分送督撫兩標及福協候缺挑選至賞四旗兵糧如有缺出統就四旗壯丁內分別拔補遇有四旗甲兵缺出仍照例選拔如此則於營伍有益而旗營各餘丁感激

皇恩自必愈加奮勉自勵矣再粵省雖係事同一例臣查該省駐防共八旗壯丁自必加倍且無水師兵缺可補其應否一體更定之處應聽該省將軍酌核合并陳明等因乾隆元年九月初九日奉硃批着照卿所奏行

旗標餘丁不補綠旗

雍正十三年四月初二日奉

上諭據浙江巡撫程元章奏稱向因杭州漢軍四旗壯丁生齒繁衍於雍正十一年間倣照閩省之例挑選餘丁三百名撥歸督撫標下頂補綠旗名糧臣查浙江省向無督標只有撫標兩營共額兵七百餘名內除隨糧公糧外實在兵丁僅止六百餘名非若閩省督標兵丁數千名可比杭城會省重地城守營額兵原少而撫標弁兵亦一體派差巡緝私鹽查拿盜賊等事在在需兵差遣而新補旗兵例不派撥則標兵應差使實有不敷况撫標兵數無多每年缺出有限計算一年有餘僅頂四十餘名約畧餘丁三百名非歷十年之久不能補足不但經年守候抑且先後不均且綠旗亦有餘丁無頂補之缺未免向隅等語查雍正七年朕曾降旨當日各省設立漢軍駐防因人數不敷是以添設綠旗兵

成案彙編

卷十一

軍政

三

丁令該將軍管轄今漢軍餘丁繁衍足供差操之用嗣後將軍標下綠旗兵丁缺出卽將漢軍餘丁頂補如綠旗兵丁之子弟內有父祖食糧年久者着於本省督撫等標營名糧准其充補此朕再三籌畫辦理者蓋以當年漢軍人數不足是以添設綠旗兵丁今漢軍餘丁日多仍令充補本將軍標下綠旗之缺於情理實爲允當若照閩省之例以將軍所轄漢軍餘丁充補非將軍所轄綠旗兵丁之缺從前閩省辦理未協况浙江撫標額兵本少豈可又分三百名令將軍充補若果漢軍餘兵繁多當另思所以安頓之法着將閩省從前頂補綠旗之漢軍撤回俟本標缺出頂補其缺仍給還綠旗浙省亦着撤回頂補兵丁特諭欽此

捕官失城逃避案

刑部議覆貴督張 題黃平州吏目程彌祐失城逃避一案查例內沿邊沿海及腹裏府州縣與武職官同住一城若遇邊警及盜賊生發攻圍不行固守而輒棄去被賊攻陷城池者府州縣掌印併捕盜官俱比照守邊將帥被賊侵入境內擄掠人民者律發邊遠充軍等語程彌祐合照守邊將帥被賊侵入境內擄掠人民例僉妻發邊遠充軍事關軍機不准援 赦程彌祐之妻陸氏在原籍江南應將程彌祐解回原籍查提伊妻僉配乾隆二年六月內奉

旨依議

兵丁阻撓驗屍擁衆擠倒轅門照擅自聚譁例減等杖流 刪改
案情照增減官文書議處

刑部特叅玩公債事等事會看得巡臺御史衙役王文等毆死王長壽併藍殿仙等吵鬧屍場及本案叅革臺灣城守營叅將岳廷瑞臺灣縣知縣馮紹立玩公債事一案據署理福建巡撫王士任將藍殿仙擬流吳景英等分別徒杖併將王文病故圖結送部等因前來查該署撫疏稱藍殿仙一時倡言吳景英等隨聲附和闕鬧屍場阻驗迨驗後復赴御史衙門索討兇犯雖形同鼓譟但先在屍場一經遊擊范榮前赴彈壓卽已翕然聽從驗後在御史轅門經總兵官馬驥出署吆喝各卽退散實係鼓譟未成查例載兵丁擅自聚譁者將倡亂兵丁正法今藍殿仙等鼓譟未成應照例減一等等語應如該署撫所題將爲首之藍殿仙照例流三千里至配所杖一百折責四十

板該署撫旣稱爲從之吳景范星陳士邵王聯高各杖一百徒三年鄧得恩先雖未同阻驗後跟赴御史衙門觀看與附和者有間合依不應重律杖八十革去名糧發回原籍安插其王長壽被毆身死已據王文供認最後以鉄尺打其脊脊左後肋又脚踢其致命腎囊王文係應抵之犯已於數候後在監病故不議外鄭清莊藍黃力合依餘人律各杖一百莊藍黃力仍俱革役至莊藍鄭清違禁跌錢應照違

制律杖一百二罪相等應免重科均如所議完結再原任巡臺御史白起圖失察衙役毆斃人命之處業據該御史奏稱並非滿御史衙役經吏部行令該署撫查明題覆俟查覆到日再議至臺灣鎮標鈐束兵丁不嚴職名亦俟該署撫另行查叅到日再議外臺灣縣叅革知縣馮紹立於兇犯王文實因其走避故未拿獲並非存心瞻顧債事

玩公應將臺灣縣知縣馮紹立原叅革職之案照例准其開復於補
官日罰俸六個月至臺灣城守營叅革叅將岳廷瑞將王長壽跌錢
起釁情由改作出街買菜之處實因兇犯姓名互異並非有心規避
黃用達據實將兇犯姓名轉報僅止失察兵丁跌錢並非賭具應將
叅將岳廷瑞千總黃用達原叅革職之案均照例准其開復并失察
跌錢各員亦准其免議至岳廷瑞雖無規避但擅將起釁情由改換
移縣應行議處查律內增減官文書者杖六十又例內官員犯公罪
杖六十者罰俸一年等語應將原任臺灣城守營叅將岳廷瑞照例
罰俸一年等因乾隆五年五月十七日奉

旨依議

兵丁鬪鬧有因與光棍例未協駁案

刑部爲題明事會議得寧夏鎮標玉泉營兵丁陳法順糾眾辭糧砌壘衙署一案據川陝總督尹 將陳法順依兵丁生事擾民合夥挾制官司擾害地方照光棍爲首例擬以斬決周登科照爲從例擬絞監候逼勒同行之兵丁陳虎等擬杖等因查得陳法順因本營遊擊李繼善私行差派屢次責打復見獸醫趙大用畏刑投渠身死乃商酌同營兵丁呈請辭糧及至大堂跪稟之時一經發還原狀該犯等旋即解散是陳法順之辭糧尙屬有因且已解散猶知畏法係因伊父陳常以不准辭糧惹下主將你有活不成之語乃罵令民人孫紹功等在署外撩擲土坯似此辱官逞兇洵屬不法自應從重定擬以儆刁頑但並未壘塞署門一經出拿旋即奔逸而與無故挾制官司擾害地方之兇徒並照光棍例斬決似又未協至周登科一犯初雖

聽約書寫辭狀迨投遞不准卽隨眾默退及陳法順再至署門喝令民人撩擲土坯此時周登科並無在場助力及聞聲趨至且有喝阻情事是其情節尤輕今因欲將陳法順擬以光棍立決遞將周登科以爲從絞候更爲未協應令該督詳審妥擬具題到日再議可也乾隆七年六月內奉

旨部駁甚是依議

兵丁緝私毆死人專管武職免議案

刑部爲寃償男命事會看得寧德縣民關華毆傷劉佛奴身死一案據署理福建巡撫王 疏稱關華與劉佛奴並無怨嫌緣關華充當福寧鎮標右營兵丁乾隆三年三月二十九日同兵丁詹榮許長彩奉差巡緝私鹽詹榮等後走關華先至黃土巖地方適遇劉佛奴自漳灣鹽場將餅換鹽數觔藏於筐內挑回關華欲行查看劉佛奴不允反行肆詈關華掌批劉佛奴左腮腋連及耳輪劉佛奴取扁批向打關華之足關華情急閃開用脚踢抵不期傷及佛奴腎囊負痛啼哭傷詹榮許長彩繼至查其筐內鹽僅數觔隨即勸散劉佛奴傷重越五日殞命屢審不諱將關華擬絞監候等因前來應如該署撫所題關華合依關毆殺人者不問手足他物金刃並絞監候律應擬絞監候秋後處決詹榮許長彩既不在場應予免議再該署撫疏稱營員盤緝奸私是其專責差遣巡鹽事起因公所有鈐束不嚴職名應免開報等語查兵丁盤緝奸私是其專責今兵丁關華因奉差巡鹽關毆致傷劉佛奴身死事起因公所有專管武職應免其查議等因乾隆四年四月二十七日奉

旨關華依擬應絞着監候秋後處決餘依議

營兵毆死人兼轄武職一弁議處不准因公出境案
刑部稟報事會同兵部院寺議得營兵秦君玉毆死鄧時可一案約
束不嚴之石江鎮把總萬周兼轄遊擊袁士傑降一級調用萬周已
經別案革職毋庸議應將遊擊袁士傑照例降一級調用咨內又云
袁士傑雖奉文調考因公出境但兵丁在營生事皆係該管官平素
不行嚴加約束所致與地方失事因公出境者不同雍正八年九月
內奉

旨依議

成案彙編

卷十二

軍政

三

聚眾擅擡 龍亭擬斬監候案

刑部為報明事會看得福建延協兵丁鄧明遠等擅擡

龍亭一案據福撫毛 疏稱將樂縣轎夫曾有慶於雍正三年六月內復充左營遊擊轎夫鄧明遠作保又不稟退縣役仍月支工食至九月十五日該縣劉慈欲赴公所宣講

聖諭傳喚轎夫曾有慶不到拘拿責懲鄧明遠以該縣擅責兵丁即為首倡率曾有慶等共十人於十六日擅將宣講

聖諭龍亭擡至橋頭欲赴郡報訴遊擊經鄉地熊鳴萬稟縣請回

龍亭將鄧明遠等歷審不諱查擅擡

龍亭律無正條援照石匣營兵丁陳開祿之案將鄧明遠擬斬監候曾有慶等擬以枷責等因前來查康熙三十三年石匣營遊擊張翰將偷木之王太責打追究同夥時有兵丁陳開祿等擅擡

成案彙編

卷七

軍政

四

龍亭控告經吏兵二部三法司會議將為首之陳開祿比照如兵餉不足等弊不赴督撫提鎮告理擅自聚譁例擬斬立決附和之黃明等在各該地方各枷號兩個月責四十板等因奉

旨將陳開祿改為應斬監候餘依議欽遵在案鄧明遠應照此例擬斬監候秋後處決再查曾有慶身係縣役又當營差仍冒領縣役工食經縣責懲不自悔非復妄擅擡

龍亭控告雖鄧明遠為之首倡而實由曾有慶要結眾心致起釁端曾有慶不應擬以枷責曾有慶應改照為從減一等律僉妻流三千里至配所杖一百折責四十板附和之楊奎等俱在各該地方枷號兩個月責四十板仍革伍再查從前石匣營兵丁陳開祿擅擡

龍亭一案副將孟發祥不將兵丁嚴管教訓以致兵丁會集妄動龍亭應將副將孟發祥革職等因奉

旨依議欽遵在案今兵丁鄧明遠等生事聚眾挾制官司該管官楊傑將將樂縣轎夫匪類曾有慶留營食糧充役業經四月從前漫無覺察又不能加謹約束以致兵丁倡率狂妄擅擡

龍亭復不能嚴行查拿兵丁余福林任其遠颺殊屬溺職應將護理延協副將之遊擊楊傑照例革職其把總鄧得崑業於別案革職應無庸議可也雍正四年六月內奉

旨鄧明遠依擬應斬着監候秋後處決餘依議

得錢主令花癩強搶輪姦婦女并鼓衆罷市在例前擬罪案
刑部爲稟報事會看得福撫黃 審題沙縣保正鄧惟廣主使花癩
鄧文姑等強搶民人張爾盛之妻王氏輪姦一案查張爾盛同妻王
氏租鄧惟廣房屋居住鄧惟廣以王氏右手拘攣似有癩疾逐其移
居廟內張爾盛出外生理王氏獨居鄧惟廣喚花癩陳連玉范壽生
往看王氏果否是癩陳連玉等混稱王氏是癩鄧惟廣向陳連玉等
說你若謝我我便許你們將王氏招去陳連玉范壽生官宣與花癩
頭鄧文姑於雍正二年閏四月初一日共湊錢二千文同癩夥陳垂
將錢交付鄧惟廣惟廣主令陳連玉等打進廟內將王氏搶入癩廠
內陳垂當卽回家陳連玉范壽生官宣鄧文姑四人相與輪姦後付
鄧文姑爲妻文姑以毒藥勒令王氏飲又以癩被與王氏蓋致王氏
染成癩疾迨至張爾盛尋見伊妻王氏於雍正二年五月初九日控

告沙縣知縣郭文正拘鄧文姑審究花癩官宣到縣看審通縣民人
各抱不平欲毆官宣官宣避入糧房糧書鄭瑛棍毆官宣太陽賣水
之吳三仔以扁挑毆官宣左臂快役吳士以竹片打官宣腿肚鄭瑛
又以繩縛官宣項頸拖出門外撞傷官宣額顱當時殞命吳三仔將
官宣之屍丟棄河內漂沒無踪鄭瑛又同張兆等赴癩廠欲毆衆癩
衆癩畏避鄭瑛遂放火將癩廠焚燒有斥革武生盧晉同曹春連顯
友俱跟隨看視不行阻止知縣郭文正將鄭瑛等夾訊收監有革退
貢生黃豸核斥革武生班文仲等赴縣領保知縣不准黃豸核班文
仲同鄧克烜樂于仲鄭奇珂鼓衆罷市邱缺嘴等在場附和該撫歷
審不諱除花癩鄧文姑陳連玉病故不議外查定例內聚衆搶奪婦
女不分得財未得財爲首者立斬爲從者俱擬絞監候等語鄧惟廣
得錢主令衆癩強搶王氏入廠輪姦應照爲首例應斬立決范壽生

陳垂照爲從例擬絞監候秋後處決鄭瑛除罪人不拒捕而擅殺輕罪不議外應照放火故燒民房斬監候應擬斬監候秋後處決黃豸祿等雖鼓衆罷市但伊等所犯在雍正二年九月內題覆嗣後閩省罷市照光棍治罪定例以前之事黃豸祿鄧克烜班文仲樂于仲鄭可珂均照刁徒直入衙門挾制官吏者發邊遠爲民律俱各僉妻解送戶部發邊遠爲民吳三仔應照棄屍水中杖一百流三千里律應△次妻流三千里至配所杖一百折責四十板等因雍正三年三月十一日奉

旨依議

成案彙編

卷三

軍政

吳



惡宦抗糧糾衆鬧堂罷市案

刑部爲惡宦抗糧等事會看得含山縣惡宦唐繕等抗糧糾衆鬧堂罷市一案先據安慶巡撫魏廷珍疏稱緣唐繕曾爲直隸昌黎縣令今已致仕家居節年錢糧抗欠不完該縣知縣李經催徵過急唐繕遂謀于鄉民羅懷祖令其糾約鄉民求縣寬比又因鄉民至城人衆無食令唐玉露王讓年在街斂湊錢米以爲飯食之需遂致聚衆闐街逼民罷市經和州知州蘇祉請縣曉諭開市唐繕又挺身曉曉肆詈知縣及知州回署唐繕又復勒衆罷市雖據唐繕等供原係約人求縣寬比不期所約之人入城見甫經開印又出示催征遂致闐鬧縣堂勒人罷市寔屬意料不及等語但唐繕不將未完錢糧輸納又敢糾約多人赴城求緩挾制縣令以致打街罷市寔爲此案禍魁而羅懷祖助惡糾衆唐玉露王讓年始而全謀繼復斂湊錢米蕭四開設驕舖既非舍民又無錢糧乃閉舖罷市又隨全打鬧縣衙均爲罪所難追但糾衆打鬧官衙勒衆罷市律例並無正條唐繕羅懷祖唐玉露王讓年蕭四均應比照因事聚衆將本管官毆打例不分首從發邊外爲民郝天正等擬杖等因具題奉

旨據聚衆罷市

云

仍著魏廷珍定擬具奏該部知道欽此隨即行令該

撫欽遵去後今據該撫疏稱查唐繕曾爲縣令不思急公乃敢抗欠

錢糧噴地方官催征太急糾衆鬧堂罷市情寔可惡唐繕爲首照光棍擬斬立決照例刺字爲從之羅懷祖等擬絞監候郝天正等分別杖責等因前來查例內刁惡頑梗之輩假地方公事強行出頭約會抗糧斂錢構訟抗官塞署擅自聚衆至四五十人爲首者照光棍例擬斬立決爲從者擬絞監候等語該撫既稱唐繕等所犯情事與此例相符應如該撫所題唐繕應照光棍爲首例擬斬立決羅懷祖唐

玉露王讓年蕭四俱應照光棍爲從例擬絞監候秋後處決再該撫
原疏內稱知情不卽勸阻之郝天正唐西然俱照知人謀害他人不
卽阻當律杖一百折責四十板聽從出銀之汪紹芹全行湊錢之唐
佩元審不知情不合抗欠錢糧詳後始完之唐化舒唐友章王樹采
俱照不應重律杖八十折責三十板等因雍正七年九月二十二日
奉

旨唐繕著卽處斬羅懷祖唐玉露王讓年蕭四俱依擬應絞著監候秋後
處決餘依議



抗糧鳴鑼罷市爲首發伊蘭哈喇披甲爲奴爲從附近充軍案
刑部爲署府違例等事會看得建昌府解任通判羅炳違例征糧刁
民龍元八等聚衆辱官一案羅炳違例征糧已于本案革職應無庸
議辛春係犯法草役之人喇龐令責草之恨指稱積欠捐免阻惑糧
戶又復唆衆鳴鑼罷市甚屬刁惡不便照附近充軍律援
赦免罪應將辛春僉妻解部發寧古塔將軍轉發伊蘭哈喇給披甲人爲
奴龍元八龍見御劉必順辛希遠俱係聽從辛春指使亦不准援免
龍元八等合依刁軍刁民結黨把持官府者發附近衛充軍律應僉
妻俱發附近衛充軍至配所杖一百各折責四十板在場之郭正七
合依不應重律杖八十但郭正七事在

恩赦以前應免罪可也雍正二年四月二十三日

細事濫責監禁以致鼓衆罷市案

刑部會看得福督滿 疏查永定縣令潘開基以買枕細事不合將包桂林濫責監禁但該縣果有虐民之處應赴上司控告桂林父包綸等輒敢目無王法鼓衆罷市再張達等不干已事卽相幫砌塞縣門斂錢興訟甚屬可惡將伊等不便援

恩詔豁免包綸張達等俱比照刁徒直入衙門挾制官吏發邊遠爲民律不准援 赦俱僉妻發邊遠爲民附和之吳望等起釁之包桂林縣役廖洛文等俱照不應重律杖八十但吳望等事犯

恩赦以前均應免罪廖洛文等仍革役再該督疏稱縣令潘開基買枕不預發銀又將包桂林濫刑責禁以致包綸鼓衆罷市亦難辭咎應聽候部議等語查定例官員無故將平人久禁囹圄者革職等語潘開基以買枕私事濫禁平民以致鼓衆罷市似此生事之員難居民上

成案彙編

卷十二

軍政

五

不便援

赦寬免應將潘開基照例革職可也雍正元年九月十八日奉
旨依議

倡言散堂臨時不行照強盜窩主治罪散堂書役依光棍例治罪
案

刑部飛飭嚴審事會看得觀城縣衙役韓傳起等散堂堵門一案據
署廣撫費 疏稱催糧快役韓傳起于雍正六年正月十五日全衆
役祭畢城隍飲酢以本官徐自新性暴難事宅門家人張洪勒索規
禮派散鞋襪群相指摘刑書王大棟醉後倡言散堂後于二十四日
奉差赴府至二十六日該縣徐自新比較錢糧韓傳起懼責忽憶王
大棟前言卽在大門外喊罵號召散堂經往隔地方三教堂躲避王
顯祿隨聲而應拉同皂役趙守成捕役劉得祿偕行戶房王珊糾約
各吏張桂李魁營兆祥趙如衆王玠民壯頭郭山亦散至三教堂歷
審各認不諱除王珊取供後在臨清州監病故並韓傳起侵蝕錢糧
輕罪不議外將韓傳起等擬以斬絞流杖具題前來應如所題號召
散堂之韓傳起合依頑梗之輩約會聚衆聯謀抗官爲首者照光棍
斬例應斬立決隨同散堂之王顯祿合依光棍爲從擬絞監候秋後
處決倡言散堂未曾同行之王大棟應照強盜窩主不行又不分贓
者杖一百流三千里律應僉妻流三千里至配所折責四十板附從
之張桂等俱應照逼勒同行例杖一百觀望不入衙門辦事之岳士
純應照官吏擅離職役律杖一百雍正七年閏七月內奉

旨依議

成案彙編

卷十一

軍政

五

打毀州門公座擬軍流案

署江督范特參酷刑等事看得太倉州解任知州王溯維因江南陋習童生府州縣考每有重卷以待進院時與別州縣童生互換該州欲剔此弊因而點名散卷武童徐節胖考有縣考三名勢難重領遂令家僕孫宰冒頂聽點該州盤出重責枷示該犯患病疎枷身故節胖聽從趙昂干與同寓之方繼榮高謀糾集郁召南等鬧至州堂將州門公座打毀撫臣委元和縣江之燁往查豈方繼榮巧賄寓店顧品串就狡供將已死之孫宰指為現在徐堯章之正身捏造兩耳重聽登答不明致被枷責之語為聳聽之計該縣不加窮詰草率覆詳致經撫臣會疏題參奉

旨發審欽遵行據按察司徐琳審擬招解前來臣秉公親鞫情事鑿鑿臣查詭名重卷已屬陋習况孫宰家童冒領尤為混褻王溯維將該犯

成案彙編

卷十二 軍政

五十五

重責枷示原以肅法懲奸不因登答不明酷刑致斃王溯維應照律勿論趙昂干為首倡眾打毀州門公座徐節胖使家童冒考又敢仝行打毀方繼榮賄証捏供挾詐官司情尤可惡該司止將趙昂干擬流徐節胖方繼榮備擬杖徒殊屬未協應將趙昂干徐節胖均比照折毀申明亭為首律杖流方繼榮照兇惡已極不致死罪例發烟瘴充軍庶刁惡之徒知所做惕附和之郁召南等不首寔情之顧品杖徒足蔽厥辜隨行之梅大等一杖不枉在逃之丁成佛等嚴緝獲日另結撫臣委查之元和縣知縣江之燁並不確訊朦混詳覆今經審明應否仍還原任合併聲明雍正五年十一月內奉

旨該部核議具奏

棍童喧鬧學轅案

刑部爲棍童聚衆脅官等事議得莆田縣童生郭曾等觀看撥府童案欲求補撥喧嚷入署擁壞學轅柵欄儀門一案據福督郝 疏稱緣乾隆元年三月內學臣周 至興化府歲試均經考畢掛發府學童案取進二十名內招覆莆邑童生十一名仙邑童生九名斯時童案人衆莆童忽稱仙遊撥入府學過多一時喧譁各童欲求學臣檢查前案補撥數名擁入大堂併擠壞椅棹等物當場拏獲郭曾等供稱彼時看案人衆見仙遊撥入府學過多意欲稟求檢查往例補撥一時喧擁並無倡率爲首之人至搬往校場供案擁毀之處因學臣次日會閱武童外面管考工房往搭蓬廠回至學轅搬取椅棹適棍童擁鬧致將應用椅棹並行擠壞吊訊工房林榮供吐鑿鑿似屬寔情將郭曾照律擬流盧濂等擬以徒杖援免具題前來應如該督所

成案彙編

卷十二 軍政

五十六

題郭曾應照拆毀申明亭律杖一百流三千里盧濂等均應照爲從減一等律各杖一百徒三年因賣圖章擠入之林遲經過觀看喧嚷之民人林爵等均照不應重律各杖八十但查郭曾等事犯在恩赦以前均應援 赦免罪再該督疏稱所有擠倒儀門柵欄什物應令該督飭向各犯名下照數追賠可也乾隆二年閏九月十五日奉

旨依議

開考北照刁徒挾制官吏邊外爲民案

刑部爲飛飭查拏事看得金在田併民人馬五鬩開考棚一案據陞任江督趙 疏稱緣童生畢堯年縣考取名嗣赴湖廣看視母病不能赴考用銀一錢六分託李成公轉倩邱敬蒼代考邱敬蒼又浼邱大頂名交卷經江寧府考試查出將邱大薄責衆童誤認責打童生鬩鬪致金在田在內倡言各散民人馬五因送弟應考自外鬪進陳令文陶惟賢扶同喧譁上元縣知縣姚日升卽入場勸諭誤被衆童搬運棹橈碰傷眉稍隨經平復屢審不諱查此案事起一時原無預謀糾合且各童復經稟求收考與聚衆罷考有間金在田馬五均應比照刁徒挾制官吏例擬邊外爲民李成公等擬以枷責分別收贖等因前來應如該督所題金在田馬五合比照刁徒挾制官吏發邊外爲民例各僉妻發邊外爲民李成公邱敬蒼邱大均照僱人代考倩代與受代之人俱一體枷號例應各枷號一個月責三十板邱大先經府責應免重科仍枷號一個月李成公年逾七十免其枷號杖罪照例收贖附和之陳令文陶惟賢均照不應重律杖八十先行發落毋庸議邱敬蒼所得銀一錢六分及李成公已許未給銀八分均照追入官在湖廣未回之畢堯年獲日另結乾隆二年四月內奉

旨依議

成案彙編

卷十二

軍政

五七

抗糧縛毆典史照光棍治罪犯已拿獲地方文職無處分案

刑部爲稟明飭究事會看得福撫王 疏稱緣屏南縣知縣楊先芳以 奏銷將屆委令典史楊楚勝下鄉勸諭輸納楊楚勝勸至回坪村令社目謝世榮先往該村傳諭陳伯季等躲匿不出楊楚勝步往勸諭謝世榮見陳伯季之弟陳兆儒稟明楊楚勝著縣差何勝喚令跟尋陳伯季而華啓英素與陳兆儒雞姦欲留伴宿不允陳兆儒喊護陳伯季聞聲遂糾堂兄陳伯威等赴廠楊楚勝諭以完糧陳伯季抗不遵服何勝斥以不應抗拒職官陳伯季卽扭住何勝以拳頂傷右乳何勝等見人多勢猛奔歸稟縣楊楚勝驚慌爬牆欲遁被華啓英扯住陳伯季遂起意綁縛解省擒住楊楚勝扯碎衣帽喚同華啓英尋獲藤繩背縛押解赴省楊楚勝不肯前往陳伯季等拳傷楊楚勝左右肋押至候官縣地方聞候官縣現在徵糧眾議抗糧綁官其

成案彙編

卷十二 軍政

五

罪不小陳伯季等始各驚懼解放屢審不諱陳伯季合依聚眾打官照光棍爲首擬斬立決例應擬斬立決華啓英除雞姦輕罪不議外合依爲從擬絞監候例應擬絞監候秋後處決陳伯威等審無扛帮縛毆均合依逼勒同行杖一百例各杖一百陳兆儒除逼勒同行輕罪不議外其與華啓英雞姦合依和同雞姦例枷號兩個月杖八十不能約束子姪之陳君亨陳君藩均合依不應重律杖八十被害官役楊楚勝何勝張和均予免議查定例地方如有借事聚眾罷市罷考打官等事其不行查拏之文職照溺職例革職等語是例內不行查拏始有處分今此案旣全行拿獲審擬應毋庸議至濫行差調典史行令該撫查明補參等因乾隆七年七月初四日奉 旨陳伯季著卽處斬華啓英依擬應絞著監候秋後處決餘依議

倡義私鹽不禁折毀鹽亭打破坐轎創造告白喊叫罷市治罪及首犯援赦其效尤糾衆之人不援宥案

刑部爲地棍聚衆搶奪等事會看得福清縣斥革監生陳我誠卽陳騰芳等率令灶戶強挑鹽觔一案據閩浙總督郝疏稱緣乾隆元年三月間欽奉

上諭無業貧民男自六十歲以上十五歲以下及少壯有殘疾者并婦女之年老孤獨無依者許挑鹽四十觔散賣度日本年三月十一日陳我誠到團攜鹽一筐倡議私鹽不禁外委功加徐文綸向阻陳我誠揚言委弁徐文綸違

旨致令各灶戶將鹽挑散經縣聞知將陳我誠拿獲十二日王祥白沙二團委員陳以第巡查白沙團甲長王昌雲縱令伊弟灶戶王昌運鹽不入倉陳以第拏獲王昌運鎖帶轎後衆灶戶喧嚷扯裂陳以第轎

成案彙編

卷十二 軍政

五九

樟十三日場員移縣出慰又有林廣助率同民人林志賢灶戶林騰行等前往牛宅草橋地方拆倒鹽亭打破陳以第坐轎林志賢林騰行復打團長林允端房屋陳卯欽打壞洪淡團鹽漏一坵又有犯竊案之李孫典聞風效尤糾衆灶戶林兆求民人陳奕月等粘貼告白傳佈灶戶停晒十四日早李孫典復至海口關叫各舖戶不必開店後見營縣會拏李孫典等領各灶戶歸途打團長陳元盛張汝千陳威業主鄭允鹿四家房屋陳卯欽又同灶戶張益香湊衆打壞洪淡團官楊開業公館陳卯欽搶出米一斗制錢一千文營縣會差兵役協拿各犯驚逸而散續訪有監生陳泌卽陳濂欽夥仝創造告白停晒查明捐監事例咨斥研訊不諱應如該督所題陳我誠身爲業主往團強攜鹽觔出場及至委員向阻輒敢挾制官府致令衆灶挑私合依各處鹽場無藉之徒把持官府詐害客商犯該徒罪以上者

發邊衛充軍例應發邊衛充軍李孫典糾約林兆求陳奕月創造告白叫人停晒歇店又打壞團長等家房屋應照兇惡光棍好鬪之徒生事行兇無故擾害良人者發寧古塔烏喇地方例仍遵照乾隆元年五月初六日奏准定例僉妻酌發雲貴川廣烟瘴少輕地方交與地方官嚴加管束林兆求陳奕月係爲從應照律減一等各杖一百徒三年林廣助除打轎并打團長房屋輕罪不議外其折毀鹽亭應照折毀申明亭房屋杖一百流三千里林志賢林騰行係爲從應照律減一等各杖一百徒三年甲長王昌雲不能約束縱弟灶戶王昌運挑鹽應照鹽場灶丁夾帶餘鹽出場同私鹽法該管總催知情故縱與犯人同罪律王昌雲王昌運各杖一百徒三年陳卯欽張益香搶打團員楊開業公館認搶錢米陳卯欽除扒鹽塌輕罪不議外其打搶團官公館錢米合依白晝搶奪律杖一百徒三年張益香係爲典所犯與

成案彙編

卷十二 軍政

六

從應照律減一等杖九十徒二年半陳卯欽張益香均刺字查李孫

赦款不符應不准援宥陳我誠等俱事犯在乾隆二年四月十六日

恩赦以前均應援免陳卯欽張益香并免刺字等因乾隆二年十月初二日奉

旨依議

捏灾求勘鬪鬧照刁徒挾制官吏

刑部爲杙棍捏灾等事議覆江督那蘇圖疏稱蕪湖縣本年四五月內雨澤稀少栽插愆期鄉愚不知五月非報秋灾之時紛紛求勘求賑于五月初五日在石碓鎮商寫知单約日赴縣生員楊智叫令楊自連寫就陳雲升遂將知单貼于戲臺柱上又有陶天生令伊孫大兔照寫知单貼于路亭約十五日赴縣楊智是日赴縣同各士民齊至縣堂勒請詳灾放賑該縣王式璧卽出示牌定于十六日往勘衆入以其不肯卽日赴鄉隨有呂東海將示牌踹碎仝熊顯揚俱各搥打縣堂鼓揚勲王元吉俞璐擁擠鬪鬧致將公案推倒楊智復令陶殿臣寫帖貼于石牌上有我等士民先求道憲後砌頭門之語民人俞述先陶振公陳雲升趙子宇等隨聲附和迨安徽巡道梁需杞委令江防同知李直方安撫始散飭審不諱將楊智照例擬遣楊勲等

成案彙編

卷十二 軍政

空

擬以徒杖等因前來應如所題楊智應照刁徒直入衙門挾制官吏別無冤枉者發邊外爲民例應僉妻發邊外爲民爲從之楊勲王元吉俞璐呂東海陶殿臣陶天生楊自連陳雲升均應減一等各徒三年至配所杖一百折責四十板徒限滿日遞回原籍收管陶天生年逾七十照律收贖脫逃之俞述先陶振公熊顯揚應令該督嚴緝務獲報部另結趙子宇隨衆吶喊亦屬不合應照不應重律杖八十生員湯哲不合于未應報灾之時稟勘訊無闕堂情事發學戒飭其已草衣頂准予開復乾隆四年十月奉

旨依議

聚眾罷市勒減米價照光棍例定擬案

刑部爲稟報事會看得南平縣奸民徐慕瀛等聚眾罷市勒減平糶米價一案據福撫周 疏稱緣徐慕瀛原係南平縣學生員因妄攻昌籍經南平縣知縣初元美審虛復經學臣吳華孫訪查劣行褫草衣頂徐慕瀛心疑劣跡由縣開送輒思報復乾隆八年閏四月內適因南邑米價昂貴經縣詳明平糶倉米每升糶錢十三文詎徐慕瀛乘機起意阻撓閏四月初八日遣子徐宗蘭往喚林登觀于初九日至家商謀欲寫謗帖罷市挾制縣官勒減米價每斗止許糶錢九十文林登觀亦係褫草生員因投充書辦被知縣初元美查逐挾嫌隨即允從酌定罷市會約與徐慕瀛分手謄寫二十六張徐慕瀛又遣子徐宗蘭邀集甯阿亮黃華丙黃華康鄧大封梅倫貴陸日郎何天福江新魁等八人告知散帖罷市挾官減價情事甯阿亮等均不應

允徐慕瀛用言逼勒始各聽從隨將寫帖分給令其乘夜四處粘貼俱約次早在延福門會齊初十日早林登觀復逼嚇謝曰燦顏阿五吳上楚林阿貴同行徐慕瀛遂與林登觀等沿途喊叫罷市時有何應乾鄭員張文瑞甯阿號林任聞鬧出視與在途觀看之人一同擁至縣署值知縣初元美已經出署祈晴回至延協右營守備李玉堂署內視疾徐慕瀛等探知復擁至李玉堂署前聲言求減米價共相喧鬧因跟全往看人衆以致營縣衙署公案門壁均有擠壞經延平府廳會同協營馳赴彈壓曉諭方各散歸隨據報提犯飭審屢審不諱將徐慕瀛依例擬斬立決照例先行刺字林登觀擬絞監候甯阿亮等擬杖分別折責收贖除該撫所擬光棍爲首擬斬立決之徐慕瀛已經病故不議外查定例福建地方如有借事聚眾罷市罷考打官等事均照山陝題定光棍之例分別治罪等語林登觀聽從徐慕

瀛商謀寫約罷市應如該撫所題林登觀合依爲從擬絞監候例應擬絞監候秋後處決甯阿亮等訊係徐慕瀛林登觀嚇逼同行均合依逼勒同行例各杖一百何應乾等臨時附和往看均合依不應重律各杖八十照例先行折責發落何應乾年逾七十照律收贖甯阿號係甯阿亮胞弟是日路遇全行應照一家人共犯罪坐尊長律免議徐宗蘭往喚林登觀等係聽從伊父徐慕瀛主使並未同謀且伊父已擬重辟亦請免議所有營縣各官署被衆擠壞門壁公案等項應著落各犯家屬名下分賠等語應如該撫所擬完結等因乾隆九年五月二十九日奉

旨林登觀依擬應絞著監候秋後處決餘依議

擲石毀署挾制官員照拆申明亭例擬流案

刑部爲移明鼓衆等事乾隆七年十二月十九日據福撫劉咨稱漳浦縣民方盤等拾石擲毀移駐雲霄縣丞衙署一案緣浦邑雲霄地方有大番山一所爲兵民公葬義塚有土工蔡和同逸犯柳巡偷挖營兵許使墳塚具控縣丞衙門被獲到案該縣丞屈冠正欲備文移解因發掘墳塚痛恨者多該地居民同方盤等群赴縣丞衙署求其發落緣關廂路窄人衆擁擠兩旁小店排列零星物件恐被擠翻遺失俱各暫爲收拾訛傳罷市嗣方盤等到署正值縣丞出城往查候久不回又聞欲將蔡和解縣隨以縣丞不肯審理一時公忿紛紛闐鬧方盤首先拾石擲毀縣丞署瓦鄭辰等幫同拋擲營員毆兵查拿俱各奔逸當獲方盤鄭辰二名移解到縣經前漳浦縣朱以誠親往查勘瓦碎是寔罷市屬虛查毀損官屋律載加罪二等此係指尋

常毀損官屋而言今方盤等因縣丞欲將挖墳之犯照例解歸縣審輒行擲石毀署以爲挾制法難輕縱方盤應比照拆毀申明亭房屋者杖一百流三千里律應杖一百流三千里鄭辰吳澤黃昌均合依爲從律減一等各杖一百徒三年張蒲已經病故應無庸議擲破署瓦已經該縣丞補葺免其追修至在場觀看多人一時附和闐鬧俱不知名姓應免跟究吳澤之母陳氏現年七十三歲家無次丁將吳澤照例決杖一百枷號一個月准其存留養親等因前來均應如該撫所擬完結

生員抗糧毆差復主使人刷黑鬻門比照拆毀申明亭杖流案
刑部爲特參擅責生員等事據署理福建巡撫王 疏稱緣福邑有
靈巖寺田缺僧住持租歸官收充公完課生員郭向高等均種寺田
各欠乾隆二三年寺租未楚郭向高包收抗不完納乾隆四年正
月二十七日前任知縣蕭荃差役李太喚齊郭永言等帶至郭向高
家喚仝郭聞善赴縣郭向高先令郭聞善躲避并令郭永言等從後
門逸去李太向郭向高索犯郭向高持門門毆傷李太赴縣稟驗蕭
荃差拘郭向高郭向高恐赴縣被禁卽密囑伊妻繆氏轉託郭希孟
往求已草生員劉其章轉懇教官赴縣說情縣不允放卽令與素好
之繆子緒商議刷黑鬻門迫令釋回縣訊郭向高強詞爭辯蕭荃惡
其狂悖執板親責鎖禁內署具文通詳郭希孟聞信往求劉其章其
章亦爲不平聲言生員被打要鬻門何用隨將呈稿送交生員吳毓

甲改定交還郭希孟給郭向高之母林氏赴學投遞劉其章復邀仝
生員陳洵進謁教官求其說情途遇生員陳鵬亦邀同往教諭夏鳴
雷不允劉其章復言生員未草可打要衣頂何用隨與陳洵陳鵬出
學散歸并覆知郭希孟郭希孟情急卽尋繆子緒商議刷門繆子緒
允從卽於是夜攜帶烟煤夥仝郭希孟潛將鬻門刷黑而逸次早夏
鳴雷查知旣怒蕭荃之擅責生員復因鬻門刷黑具文詳請交印蕭
荃亦以夏鳴雷構鬻通詳續據郭向高之母林氏將郭向高包收各
穀全數通完并據繆子緒自行投首屢審不諱將郭向高擬流郭希
孟等分別徒杖等因具題前來除郭向高縱犯毆差及包收寺租已
經通完各輕罪不議外其因該縣差拘希圖釋放輒主使郭希孟等
刷黑鬻門殊屬狂謬但律無治罪明條應如該署撫所題郭向高應
比照拆毀申明亭杖一百流三千里律僉妻流三千里至配所杖一

百折責四十板仍遵例奏請

定奪該署撫既稱在逃之郭希孟合依爲從減一等律杖一百徒三年嚴緝獲日照案另結繆子緒聞拿自首合依爲從律減二等杖八十徒二年劉其章邀人赴學求情復妄言衣頂鬢門何用殊屬不法合依附合結黨妄預官府事例杖一百吳毓甲代改呈詞查無增減情節合依不應重律杖八十陳鵬陳洵聽從劉其章同往求情不允卽散均合依不應輕律笞四十吳毓甲陳鵬陳洵俱發學戒飭郭永言郭永如郭永桂並在逃之郭希孔不將寺租納官聽信郭向高包收入已致起釁端均合依愚民聽人包納例各杖八十郭永如郭永桂仍加逃罪二等杖一百郭希孔獲日照案另結再該署撫疏稱教諭夏鳴雷雖據稱並未構釁但身爲教官旣不能化導于前復不約束于後已經部議革職無庸議原任福安縣知縣蕭荃雖因郭向高公堂

成案彙編

卷十二 軍政

六

狂悖親行杖責究屬違例且不細查妄詳李志炳牽累無辜亦屬不合應聽部議等語除教諭夏鳴雷已經革職無庸議外查定例內生員有應戒飭者地方官會同教官具詳學臣批准照例在明倫堂朴責如有擅自叱訶飭責者該學臣查叅以違例處分又律內違令者笞五十又名例內官員犯私罪笞五十者罰俸一年等語應將違例擅責之福安縣知縣蕭荃照例罰俸一年再蕭荃又將生員李志炳不行查明卽爲妄詳褫革牽累無辜亦應議處應將福安縣知縣蕭荃比照州縣官如衙役侵欺錢糧捏報民欠知府不行詳查遽爲轉報者罰俸六個月例罰俸六個月等因乾隆六年二月十五日奉

旨依議

聚眾拆毀關蓬治罪併設關里數不符及毀關不卽具題議處案
刑部爲稟報事會看得陳宜高等拆毀關蓬一案據湖撫魏 疏稱
緣荆關所屬原另設有徐關口子一處因支流雜商易于漏課經前
撫臣馬會伯題准改設于田家洲地方更名田關于雍正七年五月
二十六日搭蓋關蓬收稅掛示曉諭但因部文當日行查田關距徐
關道里遠近數目因前撫臣馬會伯查報相距止開四十里今查陸
路距徐關八十里水路距徐關九十里數不相符於是有陝西民陳
宜高在潛江縣販木到關挾此里數不符哄動衆人聲言此關假設
首倡拆毀關蓬竟將告示揭取以致糧食牙行戴覲侯搶鹽九十一
包江第元在旁觀看未經動手竹木牙行舒林友廖山思等一時附
和並灣泊客船共有百餘人將關蓬拆毀旗桿挖倒搶失銀錢等物
各船旋即越關飛度遠颺旋即拿獲戴覲侯等又據陳宜高自首到

案歷審不諱該撫旣稱陳宜高雖經自首但私度越關不在自首之
律不准減等應如該撫所題陳宜高比照山陝刁惡之輩假地方公
事強行出頭抗官擅自聚眾爲首者照光棍例擬斬立決例應擬斬
立決附和之戴覲侯廖山思舒林友各照光棍爲從例均應擬絞監
候秋後處決均照例刺字該撫旣稱江第元審未動手應照不應重
律杖八十拆責三十板再查荆州道趙之均等奉委確查徐關田關
里數並不分晰明白含糊具報布政使徐鼎亦未據確查據詳率覆
均屬不合查定例司道造冊不分晰明白者降一級留任等語應將
荆州道趙之均布政司徐鼎均照例降一級留任原任巡撫馬會伯
不加詳察據詳具題亦屬不合應將原任巡撫馬會伯照不行詳查
例罰俸六個月至田關稅務係巡撫衙門經管拆毀田關之時從前
護巡撫事布政司徐鼎並不具題殊屬不合查定例刁惡頑梗之輩

假地方公事聚衆等項督撫不行題參者照狗庇例治罪等語應將
護巡撫事丁憂布政司徐鼎照狗庇例于補官日降三級用雍正九
年二月十七日奉

旨陳宜高著卽處斬戴覲侯廖山思舒林友俱依擬應絞著監候秋後處
決徐鼎著于補官日降一級留任著再銷去加一級抵降一級仍于
補官日降二級用馬會伯著于補官日罰俸六個月餘依議

聚眾賴租罷市抗官爲首之犯不應照爲從例減等駁案

刑部爲聚眾殺逐叩賜拿究事會議得老施二等抗糧搶犯燒房罷市聚眾一案據蘇撫陳疏稱乾隆六年七月內崇邑地方風雨過多花田稍減並未成災乃老施二輒起意賴租向顧七等倡議不必還租打逐業戶之語顧七等轉相傳播適有業戶黃申遣姪黃錫廷帶家人黃仁沙八赴鄉議租老施二之子小施二首先聲喊阻議并有施四拾泥擲打將沙八推跌搶取雨傘等物黃申控縣差役張華將小施二并黃七拘押保正李孟儒家老施二同顧七各執扁担往李孟儒家將小施二搶回黃七亦卽跟回老施二又復令顧七等卽將黃申收租之屋三間群相拆卸其木料旋被焚燒老施二以搶犯拆房自己犯罪更思罷市希免差拘商全顧七創寫傳帖老施二以布裙爲旗小施二鳴鑼喊逼各店關閉鎮民被逼罷市顧七聞知保

正李孟儒已將拆毀黃申租房情由報縣遂同小施二等前至李孟儒家拆其房屋棄擲木料于草房之旁而散詎草房內廚灶遺火延燒過半經該縣差拏柴人張二到案并移營差拏間而老施二復起意料眾赴縣求寬并議如不上城拆毀其房聲言脇逼老施二率眾將至城外經該縣移營會拏其附和之眾經該縣面諭歸農爲首之老施二等亦各俯首就獲屢審不諱查例載刁惡頑梗之輩強行出頭約令抗糧聚眾斂錢構訟等情爲首照光棍例擬斬立決爲從擬絞監候其逼勒全行之人各杖一百等語今老施二強行出頭聚眾罷市雖與例合但賴租既殊于抗糧且未斂錢構訟挾制聚眾半多被脇全行與寔在光棍有間若擬以爲首立斬似覺稍重查大學士張廷玉以條例無可引用援引別條比附或加一等或減一等科斷奏准通行在案除楊繼賢病故將老施二照光棍爲從例擬絞監候

詩

旨定奪顧七小施二擬流施四張三徐龍柴人張二郁仁擬徒陳時夏倪
七何九呂了頭葉七楊八黃七等分別枷責等因具題前來查律載
光棍爲首者擬斬立決爲從擬絞監候又律載放火燒官民房屋不
分首從皆斬監候各等語今老施二以花田減收倡議抗租始則搶
犯拆房繼又率衆罷市挾制求寬情同光棍但未毆官亦未斂錢搆
訟又與例開寔在光棍有間擬以爲首斬決固屬法重第以爲首聚
衆之人比照光棍爲從之例定擬亦未允當且老施二拆毀田主黃
申租房雖云欲絕收租起見以致適值煤灰延燒至拆毀保正李孟
儒房屋又被燒燬其中情事尚恐未確至顧七小施二等隨仝老施
二鳴鑼罷市拆房似屬爲從但小施二係子從父母顧七係拆毀保
正房屋爲首其夥仝施四徐龍柴人張二郁仁等搶犯罷市等項疏
內俱有老施二聲言倡議脇逼等字樣則小施二或係爲從顧七或
係拆房爲首施四等或係老施二逼脇抑係情愿隨從罪關生死未
便草率定議應令該撫再行確審妥擬具題到日再議乾隆九年六
月二十六日奉

旨依議

成案彙編

卷十二 軍政

七

士民刁悍容隱之父兄族保一并治罪姑容之有司叅處

刑部爲欽奉

上諭事乾隆七年七月二十八日奉

上諭福建士民素稱刁悍通省習氣相同而漳泉爲尤甚向來罷考罷市喧鬧公堂種種不法所在多有近竟有漳浦民人持刀刺死縣令之事似此藐法逞兇爲從來所罕見此固該犯之賦性暴橫使然亦由閩省官員溺職素餐旣不能化導以感發其天良又不能董戒以開通其愚昧及見民俗囂凌干犯法紀則又爲之蒙蔽掩藏希圖省事以致姑息養奸積成惡習遂大出乎人情國法之外矣著該督撫嚴飭有司力爲整頓教之以親上敬長示之以改過遷善其不率教者卽時寘之于法并令伊父兄族長嚴加管束去其躍冶之習如無父兄族長者令鄉保多方查察勸導之倘仍不知悔改父兄族長鄉保卽行舉報按律究懲

成案彙編

卷十二 軍政

七

如或有意縱庇及曲爲容隱查出一并治罪夫不教而殺謂之虐閩省督撫平時亦曾有意于教乎有司管轄地方原期除暴安良化民善俗以盡父母斯民之職始不負國家之簡用倘玩愒因循苟且塞責平時不能教導有事又復姑容該督撫卽行糾叅從重議處其他因地制宜移風易俗之道仍著督撫悉心籌畫妥酌施行欽此

楚省軍裝損壞再酌留公糧一分修理

湖督阿 爲軍裝亟需修整酌籌變通辦理以寔邊防事接准部咨議覆前督臣孫 題請各營修造軍裝一案內開湖南出師軍裝准于朋扣銀內動支修理至存營軍裝與出師者不同應仍于各營公費銀內動支修整再所稱湖南現無朋銀可支應于司庫公項內先借銀一萬兩在于乾隆七八兩年餘剩朋銀內扣還等語查動用銀兩各有各款軍器損壞例動公糧修整應將所請先借公項修理餘朋還補之處毋庸議仍令該督另行酌定具題再議等因到臣除轉行遵照外伏思部臣察核錢糧理宜慎重出入臣亦何敢再爲瀆請第楚省現在情形寔與他省不同有不得不稍爲變通者查連年出師調剿軍裝積累損壞向未動項興修惟賴公糧粘補隨修隨做不時出師舊做之項不能完整而存營之舊做者更日積而無以製補

矣且兩湖各營額設兵丁多係六七百名及二三百名不等額兵既少則公糧亦自無多而營中種種必不可少之公用皆于公糧內動支勢有不敷以故軍器之破壞年增月益北南兩省竟無完備之營卽如各營軍裝例應年底委員盤驗出結保題原所以整軍寔而肅營伍北南各營軍械因多係朽壞缺損于乾隆六年咨准部覆俟通案修造齊全委驗保題是直省通行年底保題之定例而楚省獨不能依限奉行難免廢弛况全楚幅幘遼瀾苗犵雜處且昆聯黔粵地方甚屬重要若不徹底清查及時整頓設遇調遣未免臨事周章所關甚鉅惟是積年損壞之器械爲數甚多約計工價非二萬餘兩難以整理今准部咨不准于公項內借動令臣酌定具題如仍以二分之公糧而欲製補積年之器械兼辦營中之公務勢必至于延誤若責令營員整理營中並無別項可支俸餉有限力所不能且恐不肖

之員藉端科派更非仰體哉

皇上撫恤戎行之至意臣叨荷

高厚隆恩既不敢坐視營伍之廢弛而因循以貽誤復不敢卸責營員之捐辦而累及于兵丁輾轉以思通盤籌畫所有兩湖存營及湖北出師損壞之軍裝可否仰懇

天恩俯念苗疆重地急需整理于各營每兵百名向留公糧二分之一外暫准再留一分以爲修補軍裝之用計每營所扣不過數名于巡防並無違誤限以二年多爲期卽行拔補仍照舊止留公糧二分嗣後不得援以爲例此加給公糧一分尚有不敷修理之處臣自當飭令加意節省通融辦理務歸實用倘蒙

俞允臣卽移提臣會飭各鎮協營將加給公糧一分于各將弁所食養糧內先行扣存俟有兵丁事故缺出陸續扣還養糧各糧名數仍速將

成案彙編

卷十二

軍政

十三

舊做應修之軍裝逐一確查呈核飭遵並將營中公務所必需者詳加酌減報核施行其從前各營墊項統俟軍裝修補齊全方准陸續扣還倘有絲毫浮冒侵那及造不堅固者立即題參究追斷不敢稍有容隱抑臣更有請者各營軍裝卽應一律修整庶營伍得以改觀若俟公糧按季扣存陸續修理仍屬曠日持久先後不齊並請于司庫應支兵餉內一面動給辦理一面于各營領餉時卽照所存公糧按季扣還歸款定限一年之內將軍裝逐一修補完竣容臣遴委幹練大員逐營點驗循例保奏造冊報部查核如此則軍裝可以整肅緩急于以有備毋庸另請撥項而營伍煥然一新矣乾隆八年八月初八日奉

硃批著照所請行該部知道

隨糧公糧扣除無庸製備軍器

兵部爲援例勉造虛設之甲械等事議得江南提督南天祥一疏查營伍兵丁軍裝器械務期按名配給以資實用既不可缺額不敷亦無庸濫設朽蠹定例各省武職親丁名糧提督八十分總兵六十分副將三十分叅將二十分遊擊十五分都司十分守備八分千總五分把總四分支食錢糧以資養廉再兼營中公糧每兵百名扣存二名以爲一切修補軍裝器械等項之用是親丁公糧二項雖有名數錢糧寔無兵丁操點若將親丁公糧名數一概製補軍械似屬虛設徒費錢糧並無營伍雍正十二年五月內曾經原任雲貴廣西總督尹 題請將雲貴廣西三省標鎮協營親丁公費二項無庸置造軍裝器械臣部議准具題奉

旨依議欽遵在案今該提督南

奏請將江南各標協營之親丁公糧共

成案彙編

卷十二 軍政

七

計軍裝器械若干照例扣減概免製造等語應如所請除寔在操演額兵軍裝器械照例修整製補務期齊備鮮明外將親丁公糧按數扣除無庸製備等因于乾隆三年六月十五日奉

旨依議

陝甘隨丁馬匹俟大兵撤後買補

總理事務王 等議得劉于義奏稱准兵部咨議覆補熙條奏武職隨丁馬匹不便空缺應通行各該督撫提鎮查明買補等因查陝甘二省兵興以來馬價騰貴各提標營將隨丁馬匹或摘撥軍需或因兵缺將馬暫撥補額現在俱將馬價存貯又現今草豆價值昂貴不比他省可否查明馬價暫行收貯俟大兵全撤草豆價平之後買補倘有缺額再行題叅等語查武職隨丁馬匹原係該營額設之馬自應買補足額今劉 奏陝甘二省自兵興以來馬匹難于購買草豆價值又復昂貴非他省可比亦係寔情若勒令照數買補則大小員弁未免艱難應如劉 所奏將陝甘二省各標營隨丁馬匹令查明馬價暫行收貯俟大兵撤後卽令照數買補喂養倘再缺額卽行題叅其各標營收貯馬價內如有虧缺不足之數亦卽查明嚴叅雍正

成案彙編

卷十二 軍政

七

十三年九月十一日奉

御批依議著照劉于義所請行

晉省製備三年火藥准動耗羨每年出陳易新不准動支耗羨
兵部爲遵

旨議奏事議據山西巡撫覺羅石 疏稱大同鎮馬步公糧四十九分太
原鎮公糧一百二十分僅敷每年修補軍裝演砲藥彈之需若扣還
預備火藥銀兩一切公費皆無措辦撫標左右二營雖新設有公糧
十二分第現有製造旗幟及應修一切軍裝寔亦不敷扣還所有太
大二鎮撫標左右二營預備三年五年火藥並大同鎮撫標二營出
陳易新火藥銀兩請均于耗羨銀內報銷等語查晉省公糧旣據該
撫查明僅敷該營修補軍裝演砲之用若再令扣還預備火藥銀兩
誠恐營伍一切公事無項辦理不肖員弁勢必派累兵丁深爲未便
應如所請將晉省太大二鎮撫標左右二營預備三年五年火藥銀
兩均准其在于耗羨銀內開銷仍令該撫將動用工料價值造報工
部查核至每年出陳易新之處原係各標營將每年演放火藥于庫
貯三年五年火藥內支給卽照所用之數補還貯庫其每年應行製
備演放火藥向來各省原有舊例可循何得又請于耗羨銀內開銷
應將該撫所請大同鎮撫標左右二營出陳易新火藥銀兩均于耗
羨銀內動支之處毋庸議可也乾隆二年十一月初六日奉

旨依議

成案彙編

卷十二 軍政

七六

當舖私當盔甲依民間私有軍器治罪案

刑部議得看守南倉章京恩特黑泰私當兵丁盔甲一案將恩特黑泰照私賣軍器減一等律杖徒等因奉

旨恩特黑泰將兵丁盔甲私行典當卽與私賣軍器無異何得因其已經贖回寬減其罪著該部另行定擬具奏欽此欽遵行據直督李 疏稱永興當係陳士元領帖開設交託李琳掌管恩特黑泰將盔甲撒袋向李琳質錢是寔等因除私當盔甲之恩特黑泰臣部另擬具題完結外李琳合依民間私有軍器者一件杖八十每一件加一等律應僉妻流三千里漫無覺察之當商陳士元應照不應重律杖八十係考職州同照例納贖均援 赦免罪其李琳所得贖回盔甲撒袋本利錢文照追入官乾隆元年六月內奉

旨依議

成案彙編

卷十二 軍政

七

兵丁盜賣廢砲比照私賣軍器減等杖徒案

刑部爲特叅廢弛等事會看得叅草署臺灣北路左營守備事世襲雲騎尉廖廷光廢弛營伍及兵丁許天賜盜賣砲位脫逃一案據福建巡撫王恕疏稱查許天賜係經管砲位之人私行盜賣似與監守自盜律相符但砲位爲營中緊要軍器而臺灣海外尤關重大若照監守自盜計贓定擬未足示儆又查私賣軍器律開載軍人關給一應軍器私下貨賣者杖一百發邊遠充軍等語細釋律意又似指關給本人及現在利用之軍器而言今砲位係撥許天賜經管又已係廢壞不堪應用竟予遠戍情罪亦覺未協將許天賜擬軍減徒陳翠芳等分別杖笞等因前來查盜賣經管廢壞砲位律無治罪正條應如該撫所題許天賜應比照軍人關給一應軍器私下貨賣者杖一百發邊遠充軍律減一等徒三年至配所杖一百折責四十板仍照

成案彙編

卷十二 軍政

六

大學士張廷玉條奏律例無可引用援引某律某例加減例奏請定奪該撫既稱陳翠芳明知營中廢砲擅行私買合依不應重律杖八十時逢熱審照例減等先行發落廖廷光擅造砲坯驗非成全堪用律得勿論兵丁林培黃偶雖訊無受賄縱脫許天賜情事但疎失之罪難追合依不應輕律笞四十時逢熱審照例寬免并免草名糧鐵匠魏五審係無干應予免議廖廷光軍械廢壞既不卽時修整及兵丁私賣又無覺察迨經查出拿獲許天賜又不詳草移交有司究追混准保領致令脫逃寔屬廢弛營伍已經草職應無庸議等因乾隆六年十二月初十日奉

旨依議

失察囤販硝磺議處案

吏部特叅事議得河撫趙 疏稱湘潭縣王洵公等希克牙行有違定例卽嚴批不准并屢批該縣不時稽察在案茲訪聞王洵公等輒敢于湘潭城外囤販硝磺現獲硝觔及夥犯劉輝文等似此違禁妄行大于法紀查署湘潭縣試用知縣姜鰲署事以來罔思奮勉於此等私販硝磺重件并不遵檄稽察其專管城外市鎮之永寧司巡檢吳顯亦不留心察拿迨至訪聞差拿始行協同搜拿則姜鰲吳顯平日疎縱之咎均難姑容相應糾叅等因前來查失察私販硝磺俱照失察私鹽例議處再失察私鹽例內官員該管界內軍民人等私行煎鹽或私賣者降三級調用等語除此案販買經過之地方官俟審明查報到日再議外應將失察私販硝磺之署湘潭令姜鰲照例降三級調用至永寧司巡檢係專管城外市鎮之員于硝磺重禁一任

成案彙編

卷十二 軍政

七

在于該管地方私行販囤並不留心查拏殊屬不職應將專管之永寧巡檢吳顯照溺職例革職可也雍正十一年十一月內奉
旨依議

製造合式鳥鎗已呈地方官刻有姓名地方因例內未有編號登冊免議案

吏部爲泣償父命事准刑部咨稱署福撫宗室德、以永安縣民鄭開來執持仿虎鳥鎗致傷黃成兒身死一案審擬絞抵并聲明鄭開來所攜鳥鎗驗係鄉間防虎所用製造合式職名免叅審題在案茲奉部查鄭開來所川鳥鎗是否具呈該地方官編號登冊之處未經聲明行令查覆到日再議等因遵查鄭開來所攜鳥鎗查係乾隆元年以前所製一尺五寸短鎗並非照營兵鳥鎗尺寸製造原據鄭開來呈報前縣葉銘驗明照例刻有姓名地方因從前例內未有編號登冊之處未經聲明行令查覆到日再議在案今該署撫既稱鄭開來所攜鳥鎗原據呈報前縣葉銘驗明照例刻有姓名地方因從前例內未有編號登冊之處等語應照例免其查議可也

到任僅五日烏鎗長一尺五寸免議案
吏部蠻賊白書等事據廣撫金谷稱思恩種民覃麻鎗犯茸朋一
案失察烏鎗之思恩縣林協到任僅止五日且烏鎗僅長一尺五寸
又經繳驗實係防身之具並非違禁烏鎗失察職名應否議處相應
咨明等因前來查此案該撫既稱林協到任僅止五日行覓烏鎗僅
長一尺五寸實係防身之具非違禁烏鎗等語應將思恩縣知縣林
協免其議處可也

小鐵銃亦係營中火器不行查禁駁令查叅案
刑部泣究弟命事會看得南安縣民洪祖銃傷李恩身死一案據署
福建撫王士任疏稱所有短銃驗訊係鄉間巡防鳥獸所用之小銃
並非鳥鎗失察職名應免開叅等語查例載爆鳥鎗等火器不得擅
自私用其鄉間所用小銃是否軍器應否查禁例內並未註明隨咨
查兵部去後今准兵部咨稱軍器冊內開有小子銃小鐵銃各名色
是小銃一項亦係營中火器均應一例查禁等語所有失察職名不
便免議應行令該署撫將職名查叅到日再議等因乾隆五年閏六
月十一日奉

旨依議

成案彙編

卷十一 軍政

全

武職私役軍人按日應追工銀入官案

兵部議覆雲撫慶 題叅革守備王玉貴將革退步兵名糧私給妾弟藍章項食又令兵丁陸從發種菜鄧雲做飯魏旌旗看守公館將王玉貴擬以滿杖前來應如所題王玉貴除冒餉虛兵尙無剋扣入已并私役兵丁罪止笞杖均不議外其私令妾弟補充步兵並不呈送驗補有違營制依違 制律杖一百已于本案叅革應毋庸議藍章冒支糧餉共銀 兩合依詐冒官私取財律杖七十折責二十五板再武職官私役軍人每名每日應追工銀八分伍厘五毫王玉貴私役陸從發種菜六個月鄧雲煮飯計一百三十一日共應于王玉貴名下追出銀二十六兩五錢九分五毫入官乾隆六年二月奉

旨依議

成案彙編

卷十二 軍政

全

旗丁棄船逃回查拿究治

乾隆三年九月十五日奉

上諭漕糧關係天庾不特重運宜速卽回空船隻亦必依限抵次方免凍阻之虞今歲河道淤阻途次稍艱旗丁無力回南者朕已加恩賞給銀兩並令漕運總督查明分別賞恤在案頃聞回空之際竟有將船隻棄置河干而本身先回者亦有舨工水手俱無並桅篷俱缺者亦有家口在船而旗丁已去者以致沿河兵役人等代爲推輓甚覺苦累查係江南與武衛三幫七幫江淮衛頭幫大河衛三幫之糧艘朕思此等棄船旗丁若因運費不敷力量艱窘該管大臣自應代爲籌畫酌量接濟俾其回南有資不致困頓若係無故潛逃藐視法紀自當按律儆懲何得朦混姑容以長刁玩着倉場總督漕運總督秉公確查分別辦理欽此

隨船餘丁學習舵工失風淹斃亦准卹賞案
兵部報明被颶等事覆浙督程 題報雍正十一年六月二十八日
瑞安營清字五號雙蓬船船玉環營晏字八號雙蓬船船瑞安營清
字九號雙蓬船船被風擊碎飄沒一案疏內有册開淹斃餘丁二名
馮如錫陳阿照并隨船學習舵工民人一名王士英伊雖非經制
兵但既經隨船在洋亦屬因公斃命情亦可憫應令該督照淹斃兵
丁減等給賞以示優卹等因奉

旨依議

成案彙編

卷十二 軍政

全



陣亡官兵賞卹銀兩數目案

兵部欽奉

上諭事議得雲督鄂 疏稱廣西西隆州所屬八達塞猓苗顏光色克橫
 不法拒捕傷死官兵一案查得陣亡之遊擊一員趙君良應給銀四
 百兩營千總一員羅文先應給銀一百五十兩把總一員李光玉應
 給銀一百兩馬兵一名潘正朝應給銀七十兩兵丁周定國等六十
 九名每名應給銀五十兩又兵丁一名鍾如福並無親屬應給銀二
 兩委官致祭又傷後身故兵丁張玉章等二十二名每名應給銀五
 十兩頭等傷兵丁湯上正等二十三名每名應給銀三十兩二等傷
 兵丁胡陞等四十名每名應給銀二十五兩三等傷兵丁陳士富等
 四十二名每名應給銀二十兩又王先相一名受傷二次應再給銀
 二十兩四等傷兵丁郭志聰等三十名每名應給銀十五兩五等傷
 兵丁馬忠等二十名每名應給銀十兩以上共應給銀八千四百七
 十二兩應于司庫收貯雍正七年地丁銀兩動給等因前來查與定
 例相符應准動用賞給仍將動用過銀兩數目造冊報明戶部查核
 可也雍正八年三月內奉

旨依議

黃河下埽飄沒兵丁賞卹比案

兵部爲詳懇具題循例請卹事議得河東河道總督完 疏稱河南黃河北岸蘭陽汛耿家寨工所緣乾隆九年六月初四日汛水暴長埽工墊卸鑲埽壓土之際有臣標經制旗牌陳秉義兵丁王宣張煥姚成匡自有堡夫劉世榮民夫王乃兒傅志兒等失陷水中飄沒身故陳秉義等急公蹈險奮不顧身例得請卹查旗牌例得拔補把總今陳秉義在工年久歷經差委勤勞素著似應比照因公差委馬兵之例守兵王宣張煥姚成匡自有堡夫劉世榮似應照步兵之例民夫王乃兒傅志兒在工力作似應比照工役之例分別請卹等因前來查定例內黃河下埽之人飄沒身故馬步兵丁照陣亡例分別給與祭葬銀兩如係僱募之人照軍功二等傷例給賞又定例陣亡馬兵給銀七十兩步兵給銀五十兩陣亡者二等傷給銀二十五兩若無

妻子親屬承受給銀二兩該督撫提鎮委官致祭等語今陳秉義等既係在河北岸蘭陽汛耿家寨工所鑲埽壓土失陷水中飄沒身故與卹賞之例相符其淹沒旗牌陳秉義並非馬兵不便照馬兵例議卹應將旗牌陳秉義守兵王宣張煥姚成匡自有堡夫劉世榮等六名照陣亡步兵例每名各賞銀五十兩應令該督按名賞給如無伊等之妻子親屬承受照例給銀二兩委官致祭給賞銀兩于正項錢糧內動用仍將動用銀數淹沒姓名報明戶部查核可也乾隆十年二月二十日奉

追恤西藏陣亡旗員得過身價不給賞銀案

兵部爲請

旨事查得雍正十三年九月二十三日奉

上諭朕聞知通呼爾哈之役諸路官兵及東路兵丁俱游疑觀望亦有棄營先回者祇餘京師右衛之舊滿洲兵奮勇雖年少者亦皆死戰不退是以盡忠者甚衆此等効力陣亡大臣官員兵丁忘身報國殊爲可憫而未及加恩者今尚有之從前

皇考所以未及加恩伊等者特因準噶爾之事未定欲令在營弁兵黽勉圖功故暫緩之以待事定再行加恩也今遭

皇考大故準噶爾復奏請和好朕不可不推廣

皇考隆恩此等効力陣亡大臣官員兵丁未及加恩者該部詳確查明如何獎勵加恩之處議奏西路官兵有似此効力陣亡未及加恩者查明將

成案彙編

卷十一 軍政

六

如何加恩之處議奏至於出衆効力身得重傷現在軍營未及叙奏之兵丁着該管大臣等查明具奏候朕加恩欽此欽遵經臣部將從前西路進藏出征隨原任將軍額倫忒原任侍郎色楞等喀拉烏蕪等處打仗陣亡未經請叙之京城鑲黃等旗二等侍衛諾里爾達等五員並西安駐防佐領委署管總黃古等八員據各該旗該處查明陣亡情由前後送部于乾隆元年三年兩次議奏照例題准各授爲雲騎尉在案查議叙陣亡人員例內叅領以下及有頂帶官員以上授爲雲騎尉委署前鋒校護軍校驍騎校不准給官等語又查和通呼爾哈地方打仗陣亡人員內有領催委署閒散官傅成格等十六員並烏遜珠爾地方打仗陣亡人員內有領催委署閒散官色楞泰一員俱經吏部以委署閒散官非委署前鋒校護軍校驍騎校等員可比陸續題准各授爲雲騎尉在案今臣等查得西安將軍錄送康熙五

十八年軍管原任大將軍王允禴劄行西安令將進藏陣亡官兵給賞原行冊內正紅旗滿洲領催松倭托烏爾哈岱二名俱開載部委驍騎校並無委署章京字樣與不准給官之例相符至鑲藍旗漢軍領催賈國良一名查西安將軍錄送原任川陝督年羹堯所咨詢問同時進藏出征兵丁口供冊兵丁徐廷邦等供稱阿喇哈章京賈國良在喀位烏蘓二次打仗陣亡等語但查該將軍錄送康熙五十八年軍管原任大將軍王允禴原行陣亡人等給賞冊內並無委署京章賈國良之名第據徐廷邦等供吐之詞不便為憑難以遽准議叙均毋庸議外其餘西藏陣亡鑲黃旗滿洲領催部委叅領鄂起正黃旗滿洲領催部委閑散章京書倫泰正白旗蒙古領催部委閑散章京烏爾圖鑲白旗滿洲領催部委閑散章京多尼鑲藍旗滿洲領催部委閑散章京瑪起等五員該將軍錄送康熙五十八年軍管原任大

將軍王允禴原行此案陣亡人等冊內既經開載伊等俱由委署叅領章京分內打仗陣亡且已據該將軍查明取具保結咨送臣部在案應請照從前吏部議叙委署章京傅成格色楞泰等之例將鄂起等五員交與吏部查照定例辦理其應得祭葬之處交與禮部工部查辦再查伊等如從前已經得過身價銀二百兩應毋庸再給賞銀
乾隆九年六月十八日奉

巡夜擾民比照誣告夜無故入人家問擬及武職騷擾地方提督
不會同總督不列銜議處案

刑部為遵

旨事會看得鞏華城都司杜愷縱兵擾民一案准奉天府尹蔡 將兵丁
任禮等擬杖等因查兵丁任禮徐大賓以巡夜為由混行鎖解平民
以致各舖驚恐關閉此等任意擾民之徒不應止擬杖懲應將任禮
徐大賓改照誣告人夜無故入人家者杖八十加所誣罪三等律均
應徒一年至配所折責三十板陳文學安二胖子雖無脅眾罷市但
不赴地方官控告遽行關舖應將陳文學安二胖子均照不應重律
折責三十板都司杜愷照例革職不揭報之叅將楊雲棟已于苦累
兵丁案內革職干總羅士隆在鄭家庄該班看倉應毋庸議再武職
騷擾地方等事例應該督撫會同合詞題叅今提督何 竟不會同

成案彙編

卷十二 軍政

九

總督李 亦遂不列銜應照例各罰俸六個月雍正五年二月奉

旨依議

關津

糧車違禁入關案

刑部為奏明事會議得遷安縣居住旗人李鉄嘴卽李林等率領七十餘人闖關毆傷官兵一案先據巡撫李 審擬徒杖援赦具題題駁去後今據該撫疏稱 李林將糧車進關又復恃眾爭毆殊屬強橫將李林等改擬軍流免 把總陳虎呈報不實相應附叅等因具題前來查李 李違禁將糧車進關將把總陳虎打傷情由可惡相應發往寧古塔烏喇當差糧車入官把總陳虎事在 赦前相應免議可也雍正二年七月內奉

旨依議

成案彙編

卷十二


關津

五

口外豐收有販糧進口者不必禁止

乾隆三年 月 日奉

上諭畿輔地方今歲歉收米價昂貴朕深為厯念向來口外米穀不令進口留為彼地民食之需今年口外收成頗豐而內地不足所當酌量變通以資接濟如有出口糴糧及販運進口者聽其往來不必禁止管口官弁但行稽查違禁貨物毋得苛索如此則內地民人多得米穀可無艱食之虞而口外餘糧亦獲貿易之利該部可遵諭速行欽此




疎忽廢官潛入苗地案

工部特揭玩候等事湖撫題叅陞任武陵縣知縣陳沆與署縣陳哲
疎忽驅逐回籍翰林院楊緒潛入苗地照看守疎忽例各罰俸三個
月雍正六年八月一日

成案彙編

卷十二 關津

叁



準噶爾脫出回子途中逃走後獲審明發杭州披甲案

大學士訥 等爲遵

旨嚴審具奏事據陝撫陳 將準噶爾脫出回子胡大雅兒解京中途脫
逃旋獲緣由繕摺具奏奉

旨此摺着抄錄存記俟胡大雅兒解送到京之日軍機大臣會同刑部嚴
審具奏欽此今據該撫將胡大雅兒解送到京臣等隨會同將胡大雅
兒嚴加審訊據胡大雅兒供稱我並未在中途脫逃亦並未自欲尋
死之事有一日我持齋念經思欲潔淨身體前往河內洗澡回來時
聞得衆人找尋我即將洗澡去的緣由告訴看守之人曾叩頭認過
不是嗣後一路俱告知伊等始行洗澡我在準噶爾地方與人爲奴
使喚不得衣食因受苦不過所以捨命投來欲沾

大皇帝恩典永遠安樂自入境以來每日食肉騎馬此等安逸我喜之不

成案彙編

卷十一 關津

六

盡豈有反欲逃回之理況且已到內地不識路徑今欲將我遣回尙
不知從何處去如何能逃走此俱係並無影響之事等語臣等看得
胡大雅兒性本愚蠢似非因事可遣之人但既在途間脫逃自應加
意防範查從前準噶爾投來回子人等俱係作爲額外披甲賞給地
畝奴僕娶妻銀兩發往江寧杭州青州天津等處安插在案今胡大
雅兒既有中途任意潛行之事應發杭州披甲給與半分錢糧其一
切應得

恩賞亦應減半給與令理藩院派出領催一名馳驛沿途照看護送可也

乾隆十年十月二十四日奉

旨依議

成臺兵丁帶眷失察各官處分案

兵部特叅容隱等事覆給事中吳 等奏查成臺兵丁向例俱由內地撥調三年換回毋許攜帶眷口定例遵行已久今兵丁楊龍等有眷口在臺該管將弁漫無覺察殊屬不合查定例內該管官失于覺察者降二級調用又定例內約束不嚴者降一級調用等語應將把總楊達汪浩千總林泰來葉報均照例各降二級調用其守備何期有遊擊解李榮副將和進忠均照例各降一級調用查把總楊達汪浩係無級可降之員例應革職應令該督撫將該弁居官如何之處聲明好者革職留任三年無過開復居官平常者議以無級可降革職可也雍正十年五月內奉

旨依議

成案彙編

卷十二

關津

七

外國遭風船隻

福督郝 爲稟報事看得外番船隻遭風飄到內地例應於歲底題報今查閩省雍正十年分據布政司劉 呈詳有暹羅國船商柯漢由本國載貨欲往東洋貿易遭風飄入銅山地方擊破經漳浦縣訊供將船上番唐人等二十三名送赴廈門其餘係內地各縣人民散回原籍尋親柯漢等原船已經打破難以修整現在二十三名遵例動存公銀兩飭發口糧贍養毋致失所其散回未經到廈五十五人檄飭按照原籍分移各縣曉諭赴廈令其附回地方官不得任其逗遛嗣適有彼國船商邱壽元等運貨來廈貿易完竣返國隨將柯漢等二十三入配搭該船于雍正十年十二月二十六日先行開駕回國沿途應需船載口糧據稱係伊本國之船無容給載其口糧各彝人俱有撈拾貨物已經變價攜帶可以自資均無庸動給照例詳請

成案彙編

卷十二 關津

六

聞奉

旨該部知道

題報等由前來臣覆查無異謹會同奏

船隻遭風飄入呂宋盜賣兵米及租船與人依自造商船租與他人例枷責案

刑部看得船戶陳吳勝船隻在臺配運兵米出口遭風飄越呂宋盜賣一案據閩浙總督宗室德 奏稱惠邑民人張清本姓陳頂駕伊父遺下原領晉江縣照票牌名陳吳勝商船一隻配舵水蔣伊陳同施偉等共二十人在臺配載兵米二百石由鹿耳門汛點驗出口遭風失桅船隻被飄至呂宋一老番地方詎蔣伊起意串通陳同施偉等擅將官米私行售賣番銀二百員將五十員為給照費用其餘一百五十員蔣伊等各分十員散居覓食供認不諱查蔣伊等實係遭風被飄並非有意透越應將陳同施偉照例擬斬係雜犯准徒五年張清即陳吳勝等分別徒杖均援 赦免罪等因前來應如所奏陳同施偉合依監守自盜不分首從併贓論罪入已一千兩以下者擬

斬例係雜犯准徒五年陳同年逾七十應照律收贖行保郭萬盈吳南珍混行保結灣甲黃來既知吳二頂替並不首報均應照不應重律杖八十時逢熱審照例減等發落至僱吳二頂替之船戶張清即陳吳勝據該督擬照澳船舵水人等詭名頂替杖八十徒二年係商船加一等例杖九十徒二年半但澳船舵水人等詭名頂替查係舊例

欽頒律內並未載入未便遵行應將張清即陳吳勝改照自造商船租與他人者杖一百枷號三個月例杖一百枷號三個月均應援免所有米價脚費銀兩應于陳同等各名下變追完補逾限無完着落臺廈行保各半分賠乾隆五年八月內奉

直隸旱災准商販海運奉天米穀

乾隆八年十月十八日奉

上諭據直隸總督高斌奏稱直隸天津河間等屬今年夏間被旱業已蒙恩賑恤第歉收之後米價尙屬昂貴聞奉天米穀豐收請弛海禁俾商民販運米穀流通接濟天津等處民食等語奉天一省今年朕親臨幸目睹收成豐稔米價平賤以之接濟直隸洵屬哀多益寡着照高斌所請准其前往販運自奉旨之日始至次年秋收爲止令該地方官給與商人印票聽奉天將軍府尹查驗收買之後給以回照仍行文知會直隸總督并令沿海官弁時加稽查毋令私出外洋庶需穀者得以餬口而領販者又藉以獲利于奉天直隸二省均有裨益該部卽行文該總督將軍府尹等知之欽此



直隸荒歉奉天有收再寬海禁一年

乾隆九年九月二十八日奉

上諭上年直隸天津河間等屬被旱歉收朕臨幸奉天目覩收成豐稔米價平賤卽降旨高斌令其前往販運至次年秋收為止本年三月內又經御史李清芳奏請寬限朕已降旨寬至今冬在案今據高斌奏稱直屬米價雖現在平減而津屬慶雲等縣現被偏災慶邑本屬少米之鄉天津又爲商賈叢集之地可否仰懇聖恩准再將奉天海禁寬展一年俾民食得有接濟等語着照所請奉天海運准再展限一年該部卽遵諭行欽此

奉天再寬海禁一年

乾隆十年七月二十九日奉

上諭前歲朕臨幸奉天目睹收成豐稔米價平減而直隸適當需米之際是以降旨該督令其前往販運原以一年爲限後限期將屆又准臣工條奏展限一年目下直隸慶雲等州縣收成歉薄雨澤尙有未能霑足之處若果海禁稍弛商販流通米糧充裕于民食自有裨益將奉天海禁再展限一年該部卽遵諭行欽此



成案彙編

卷十二 關津

一百

山東等省由內洋運米接濟直隸

奉

上諭今年直隸各州縣收成豐歉不一米價未免稍昂而奉天山東二處年歲俱獲豐收從來隣近省分必須商賈相通以豐濟歉則需穀者既得以餬口而糶販者又藉以營生殊屬兩便之道但奉天山東俱屆海濱地方官吏因有禁米之例未肯任從民便用是特頒諭旨奉天山東沿海地方商賈有願從內洋販米至直隸糶賣者文武大員毋得禁止但商賈米船放行之時該地方官給與印票仍行文知照直隸總督其沿海官弁亦時加查驗毋得私出外洋米船既抵天津卸米之後直隸地方官給與回照仍行文知照奉天山東兩省俾米穀流通以副朕軫恤民瘼一視同仁之意該部卽行文奉天將軍府尹山東巡撫知之欽此

成案彙編

卷十一

關津

一百

偷渡過臺及漏稅私搬貨物案

刑部咨斥不職等事會議得姚錦春攬載無照客民偷漏貨物并斥草千總黃朝宣等縱放客民脫逃一案據福督郝 將姚錦春等擬以軍流徒杖前來應如所題姚錦春應照客頭在沿海地方引誘包攬索取銀兩用小船載出復上大船例僉妻發邊衛充軍至配所折責四十板仍追所得船租同貨物船隻變價入官陳禮姚進等十九名俱照舵工人等知而不舉例應徒三年至配所折責四十板所有各名下同已故李和陳展名下各貨變價入官陳衛明何寬蔡吉各偷搬貨物俱照常入盜倉庫錢糧八十兩律應徒五年至配所各折責四十板刺字仍追出私搬各貨并賣貨價銀一弁入官收回私搬貨物之有照客民蘓相蘓有林贊黃六陳騰張榜等及寄貨之雍天俱照不應重律杖八十仍將收回私搬貨物變價入官無照偷渡之

楊揚等一百十九名均照偷渡例杖八十遇熱審減等貨物變價入官在逃之蘓帶等二十四名并小船戶謝能緝獲另結小船戶郭依合依知盜贓而寄藏律應杖一百行家李淵泉應照不應重律杖八十遇熱審減一等仍于郭振及已故林正名下追出所得船租銀錢并小船二隻變價入官縱放客民脫逃之斥草千總黃朝宣應照枉法贓四十五兩律僉妻流三千里配所折責斥草把總許立應照聽許財物事若枉者准枉法論三十兩杖八十徒二年減受財一等律應徒一年半配所折責仍于黃朝宣許立名下照追所得物價入官查許立係福建人查明家口造冊押發河南省入伍食糧再該督疏稱黃朝宣許立聽許銀兩請免追至受僱私搬蔡吉貨物之小漁船戶不知姓名無從查究再冊結有名貨客何寬等各名下貨物除漏稅私搬抽換賣價各物已經議斷入官外尚有在船已經上稅各貨

同未私搬之客貨林顯等各名下貨物先經營縣照依出結數目盤
驗相符先行給領另搭別船貿易在案等語均毋庸議至姚錦春等
所攬無照客民俱係內地民人必由內地出口亦令該督將伊等由
何汎口偷渡出口之處查明到日再議姚進等名下漏稅銀兩照數
追出完納關庫其並無包收之貨稅既斷入官應免追繳稅銀其入
官貨物船隻等項變價貯庫報部所收漏稅銀兩該關另行收存解
部可也雍正十三年四月內奉

旨依議

察議處案

租船私載鉄舫下海并私借官員名色捏結圖章照票擬罪及失
刑部爲題叅事會看得陳秦使運載鉄舫及偷載無照客民私越一
案據福建總督郝 䟽稱緣陳秦使在厦開行保結船戶有陳氏故
夫石武畧洋船一隻牌名石祥瑞陳秦使欲租其船憑金長盛張天
瑞爲中陳氏夫兄石文觀卽石錫璋立約議定船租銀一千二十兩
先經金長盛交石文觀銀二百兩轉付陳氏收受續經金豐源交出
牌照其船遂付陳秦使駕販呂宋陳秦使僱吳鵬爲出海何祖郭廣
洪白爲總趕財付伙長配張富等共二十三名爲舵水并得何祖銀
五兩張富等船租銀二百六十六兩七錢承載有照貨客吳明老等
十四名上關納稅于雍正九年二月二十一日往文武汛防掛驗出
口停泊內湖至三月初五日晚始行駕出外洋灣泊陳秦使隨私令

吳鵬何祖往鉄舖鄭叅買茅鉄六十一担包送大船交銀鄭叅隨托
陳招僱船戶李生水手謝成吳孝送鉄因船小載重不勝駕駛復僱
陳招李祖許默李吉仝帮駕駛至浯嶼內港被汛 盤獲並查出生
員李循舍卽李鍾循私借翰林名色捏給鄭叅販鉄圖章照票陳秦
使又包攬無照客民謝九等共九十五名往呂 尋親覓食共得船
租銀一百一十七兩六錢八分錢一千六百文陳秦使又攬無照
貨客方成等共三十四名往呂宋賣貨共得船租銀二百一十六兩
零七分又包收稅銀復行漏報而吳鵬名下又查出私受江育等貨
物前往發賣并漏報稅銀江育等二十七人並未隨船郭廣李旺名
下查出私受連豁阮祿貨物代爲出洋販運連豁阮祿亦未隨船而
吳鵬林合名下又查出私受吳曉黃臨剪刀鉄鎖銅鑼等物出洋販
賣吳曉黃臨亦未隨船因擅用圖章私給鄭叅販鉄照票載貨出洋

潛逃浙境訛詐婪贓被浙拏獲移咨取供歷審不諱除陳秦使漏稅
並攬載無照客民各輕罪不議外應如所題陳秦使合依商船來帶
違禁硝磺釘鉄樟板等物接濟外洋者斬監候例應擬斬監候秋後
處決吳鵬何祖鄭參俱應照爲從例減一等各僉妻流三千里至配
所杖一百折責四十板李鍾循應革去生員照詐冒內官親屬家人
等項名色誑騙財物者除實犯死罪外其餘枷號一個月發邊衛充
軍例應枷號一個月僉妻發邊衛充軍但查李鍾循尙有浙省訛詐
婪贓之案未結應俟彼案審明從重歸結石文觀卽監生石錫璋合
依富民謀利自造商船租與他人者杖一百枷號三個月例應革去
監生枷號三個月杖一百遇熱審減一等枷號八十五日杖九十折
責三十五板監照繳銷財付伙長舵水郭廣等二十五名並無通同
知情包攬除郭德取保病故不議外財付郭廣伙長洪白舵水張富

等均合依夾帶釘鉄等物接濟外洋舵水不知情者皆杖八十徒二
年例應各徒二年至配所杖八十折責三十板該督旣稱受僱送鉄
之小船戶李生水手謝成吳孝陳招李祖許默李吉俱依將鉄貨私
出外境貨賣及下海者杖一百受僱馱載之人減一等律各杖九十
無照客民謝九等並無照貨客方成等一百二十九名內除郭喜等
五名病故外謝九等均照偷渡例各杖八十中見金長盛張天瑞給
還牌照之金豐源俱依不應重律杖八十內無照客民吳添年甫十
四王陳年甫十五顏贊年逾七十俱照例收贖餘並先行折責發落
船主石武畧之妻陳氏係婦人罪已坐于石文觀均請免議等語均
毋庸議至無照貨客江育等三十一人雖未隨船但將無照貨物私
附出洋不應免議江育等亦應照偷渡例各杖八十遇熱審減一等
各杖七十折責二十五板其石祥瑞李生船隻及無照容貨并陳秦

使等名下貨物以及漏稅銀並所得船租銀兩暨李鍾循所得之錢
應令該督逐一分別變通入官還項再該督疏稱革職守備雷起鱗
斥革外委把總洪喜訊無得賍縱放情弊但船泊該汛業經四日始
行覺察均聽部議等語查定例內船隻出入口岸如有夾帶硝磺釘
鉄等物將汛口盤查員弁革職如有賣放情弊仍計賍擬罪等語守
備雷起鱗外委把總洪喜已于雍正九年五月內以失察洋船泊汛
案內題參革職在案今該督既稱訊無得賍縱放情弊雷起鱗等業
經革職應毋庸議等因雍正十一年五月初六日奉

旨依議

私頂船照案

刑部議覆福撫黃 疏查林以亮原與施世德夥置商船一隻領給
福清縣照裝載營生後林以亮將船私歸與施世德掌管施世德不
行換照又將船付與鄭國向頂駕出海因無人僱載鄭國向與林大
楚等共謀販賣私鹽因被風阻遂謀行劫商人李玉財物將鄭國向
林大楚等照例議罪外其違例私頂船照之林以亮施世德應照私
造海船例杖一百徒三年但罪犯在

恩赦以前均應免議釋放可也雍正元年十月十七日奉
旨依議

商船桅木鐵箍填入牌照

福督那 爲移咨事內開據按察使覺羅倫 摺奏請將海船桅木上鐵箍若干道于關牌內註明開船時令監督海關文武員弁于鐵箍上下桅木處用印烙編記本省別省一體查驗又新船桅木鐵箍按戰船之例計用鐵箍緣欽奉

世宗憲皇帝硃批隨經本部院議得海洋鐵禁綦嚴稽查之法最宜慎密今查泛海洋艘所賴全在桅木中之純長大料者不可多得每用兩木鑲帮或用三木鑲帮均須層層箍定合成一桅創駛始得其力但船稍水手奸計百出或于外洋將所帮之桅抵換獨木桅所有桅上鐵箍私賣偷漏亦未可定自應立法稽查以杜弊竇嗣後凡有出洋船隻應飭地方官逐一驗明除獨桅毋庸議外如係帮桅查其上下共用鐵箍若干道每箍重若干飭填註牌照之內于回棹進口日確加

查驗如有缺少卽行究訊若有中途遭風致有折斷箍數不全者准其原箍送驗免其究追其有將船收泊別省轉賣與人者亦令將原牌原照送驗該地方官查明原開鐵箍數目有無缺少或係中途折斷亦准呈驗分別究詰至新造洋船桅木鐵箍一例填明牌照永行定規等因于乾隆元年三月初一日奉

硃批俞旨合行飭遵欽此

在暹年久免回

禮部爲報明事議得浙督程元章疏稱暹羅係入貢之國今差船商張傳等四十七名番使四名駕船載貨來至寧波貿易于雍正十一年七月內收入定港查詢張四等十七人僉供俱係中國人民住番年久各有親屬妻子在番等情查照雍正三年間暹羅商船郭奕達之例免其回籍俟貿易清楚照例准其原船回暹等情前來查張傳等貨物曾否輸稅之處該督並未聲明殊屬不合相應行令該督飭令將貨物照例輸稅毋致遺漏查張四等四十七人并番使四名准其回暹俟回國時查明人數嚴行禁止夾帶禁物可也等因雍正十二年四月初四日奉

旨依議

成案彙編

卷十二

關津

寬

濫給義民印照借頂偷渡處分案

刑部爲特參濫給印照等事福撫趙 題會議得巡視臺灣工科給事中奚德慎等疏稱訪聞鳳山縣有義民給照任其往來其中弊竇多端因檄行飭查給照原案去後該縣覆稱案查康熙六十一年五月內奉前督覺羅滿 牌開粵省程平鎮三縣客民寄居鳳山縣地方康熙六十年臺警之時伊等倡義集衆協力殺賊義勇可嘉據臺灣府查明義民共一萬二千一百九十九名造冊通報伊等俱係効忠出力之人凡有事故欲回原籍者令本人協同該莊管事赴鳳山縣具呈給與印照在案但查原報冊內只開某人係某縣人並未填註年貌箕斗以致更換頂替諱匿死亡難以稽查現今給照回籍之人照內填註年貌箕斗其底冊實無存留等因查義民給照地方官自應加意詳慎以防頂冒且事經十有餘年其中存故去留之人亦

應分晰開註乃知縣熊琴旣未開註復不能覺察借照頂渡現據臺灣府同知尹士儂查出頂照偷渡人犯謝德仟等業經責逐皆係該縣所給義民之照該縣旣知奸棍借爲私徑頂冒偷渡經臣等屢次檄催尙不查明造報仍行濫給印照縱容偷渡玩愒悞公有忝職守理合糾叅再臺地人民給照之例現今遵行其義民應否一體遵行或如何仍給義照之處應交該督撫查明妥議具題等因前來查臺屬義民回籍旣經前督臣滿 行令給照該管地方官自應加意詳慎以防頂冒乃知縣熊琴旣未將義民冊籍開註存故去留又復濫給印照以致奸民借照頂冒偷渡殊屬不合應將鳳山縣知縣熊琴照例降二級調用至臺地義民應否仍給義照之處應行令該督撫查明妥議具題到日再議等因雍正九年七月十二日奉

廐牧

甘肅至哈密備運糧車騾頭夏秋牧放冬春飼喂日給料四升草十觔行走時日給料四升草十四觔

總理事務和碩莊親王等議得查郎阿等議奏將來甘涼西肅應赴哈密換班兵丁撥給騾車以資馱載等因一摺查從前原議將來邊界定議之後現在巴爾庫爾兵丁全撤之時議于哈密駐防兵五千名其赤金靖逆等處駐防兵五千名其哈密防兵在甘涼西肅一提三鎮所屬兵內派出輪班更換其換班兵丁裝載行李所需車輛先經查郎阿奏請于甘涼西肅四處各預備騾車一百輛臣等因查郎阿原奏內未將如何經營牧喂並如何准其開報倒斃之處一并議及是以議令妥議具奏等因在案今據查郎阿等奏稱換班兵丁自甘

成案彙編

卷十二 廐牧

五

肅山口以至哈密現今糧運已停別無車輛可僱自應議將存公局之車騾揀擇臚壯完好者每處各給車一百輛騾一百頭備用其騾頭夏秋牧放冬春飼喂每騾一頭日給料二升十觔重草一束各該地方官採辦供支其馱載行走之時給料四升七觔重草二束口內地方沿途支給口外地方在肅州橋灣哈密裏帶料豆青稞喂飼等語查郎阿等所議頗屬詳悉應俱照所奏行查郎阿等奏每頭領銀十二兩買補足數至倒斃四頭以上者勒令該管官賠補其車輛或有損傷令各該營隨時修補堅固之處俱屬應行亦應照所奏辦理可也雍正十三年十一月十五日奉

旨依議

粵東購買馬匹無庸查禁小販給照

兵部為請酌粵省就近給票販馬之例以利管伍以便稽查事議得廣東巡撫楊 奏稱云查山東河南江南江西湖廣浙江福建等省購買馬匹該督撫提鎮備文差員咨部赴口購買給與照票沿途驗行至山西陝西甘肅雲南貴州廣東廣西等省或附近關口或離京遙遠向來購買馬匹並未報明臣部是採買馬匹總在因地制宜務在兵民兩便方為有益今該撫奏稱廣東各營馬匹向資粵西小販帶來查粵西產有馬匹本處需用無多土人就近零星收買載赴粵東聽各標管選買較之委員赴買更為便益兩粵東西壤地相接稽查既易而粵東外海內河在水道宵小出沒皆憑舟楫無虞有賣給匪徒之事其與江楚閩省連界地方各有州縣管汛關隘盤詰亦無虞其透越就粵言粵原與別省不同前項小販實可無庸概禁

惟是從前並無照票應酌為立法稽查請嗣後遇有粵西人民販馬令其呈明地方官取具印結給與印票多不許過四十四等語查粵東馬匹皆資粵西小販載往售買營伍既稱便益兩粵接壤盡是水道尤易稽查既無慮賣給匪徒之事其與江楚閩省連界地方又有州縣管汛關隘盤詰亦無虞其透越他境是該省買馬之事即照舊遵行于地方已覺安靜于兵民已均裨益于一應越販私買情弊俱可無虞今該撫又復請立給照驗照之法在本地方具呈之後印照未發小販不無守候日期多糜盤費草料若指定赴賣地方填入票內恐彼處無人售賣又難再越他處發賣均屬掣肘且勢必開州縣吏役需索之端該撫所請立給照票之處應無庸議可也等因于乾隆元年十一月三十日奉

將官駝販賣麵筋射利照不在法贓治罪案

刑部特叅縱酒等事會議得叅革甘肅提標前管遊擊李遇貴署中軍守備汪元錫縱酒嗜飲一案據甘撫許 䟽稱除李遇貴玩廢管伍疲瘦駝隻均無確據及汪元錫燈節赴宴令兵裝扮秧歌各輕罪不議外李遇貴擅將官駝販賣麵筋營私射利銀六十七兩三錢應照不在法贓六十兩律擬徒汪元錫因駝隻赴卜隆吉之便順帶麵筋貨賣情罪稍輕應照違制律擬杖已干本案革職照例折贖俱免等因前來應如所題李遇貴應照不在法贓六十兩律徒一年半至配所折責二十五板汪元錫應照違制律杖一百已干本案革職照例折贖俱免李遇貴汪元錫名下所獲餘利銀兩照追入官該撫䟽稱沙丹協副將費上志私令兵丁扮習秧歌雖稱安慰民情起見究屬不合應照違令律笞五十條職官聽部查議等語應將費上志照

例于現任內罰俸一年可也雍正十一年七月內奉

成案彙編卷十二

郵驛

遺失本箱案

吏部議直督李 咨稱清苑縣馬夫崔四昏夜馬驚將湖撫本箱顛
 落無踪等因查律內沉匿公文一角杖六十每一角加一等罪止杖
 一百提調吏典減一等官又減一等官吏犯杖八十者降三級等語
 應將僉差不慎之清苑縣知縣陸 降三級調用至此案之提調官
 例有處分應合該督查明補叅雍正四年九月

成案彙編

卷十二 郵驛

一百四

秘書發驛及轉遞各官處分并自備馬騾轉遞免議案

吏部特參擅動等事議得兵部咨准山西巡察御史周 疏參甘省
効力武進士李兆麟私書捏稱緊急公文擅動驛馬遞至介休縣一
案經本部議覆將李兆麟革職仍行該撫將首先遞送并沿途轉遞
各官一并題參去後今准疏稱云 將原咨一并移送查議等因前
來除陝西山西省轉遞各官各該撫既稱實緣包封開有緊急公文
字樣不敢稽遲又因無發行衙門兼無印信未敢擅動驛馬俱係自
備馬騾遞送職名應請免開等語免其查議外查肅州知州楊汝楸
雖據稱自備騾頭遞送未動驛馬但並不查明封發衙門有無印信
只據硃標緊急公文字樣即先行遞送以致沿途接交轉遞殊屬不
合應將首先錯遞之肅州知州已陞西寧府知府楊汝楸照失千查
察例於現任內罰俸一年至沿途轉遞各官亦不查明錯行接受隨
十月奉

旨依議

成案彙編

卷十二 郵驛

一百五

文轉遞亦屬不合應將按驛傳遞之鞏昌府屬安定縣知縣許


等均照常行不應給驛而給驛律各罰俸九個月可也雍正十二年

雲貴六省副叅等員引 見給與驛馬

乾隆三年五月二十五日奉

上諭前各省副叅遊擊等官輪流來京引見者蒙

皇考念伊等遠來賞給銀兩資其路費其雲南貴州四川廣東廣西福建六省路途尤遠俱令乘驛來京此次各省輪流之副將叅將俱着照前例賞給銀兩其雲貴等六省輪流引見之員仍着照例給與驛馬可傳諭兵部知之欽此



違例支應驛馬免處分

吏部爲察叅違例支應驛馬之守令以肅郵政事議得川撫憲 疏
稱烏蒙軍務委令署叙州府事寧遠府知府杜士秀辦理糧運叙州
府地方貼近軍前爲各路文報總滙經司道等詳調僻站驛馬於叙
州府附郭之宜賓縣起至簡州之龍泉驛止分撥安設馳遞緊急公
文今軍務已竣兵馬已撤該府杜士秀於雍正九年五月十六日十
九日籤發公文四角差役劉官保給持硃票令沿途州縣各撥驛馬
一匹馳送行至資州據該州李懷智以違例擅用硃票私騎驛馬詳
申查該府杜士秀如果事關軍務公文亦只應用軍務木記印於封
面發驛遞送不應以十六日之文與十九日之文同簽並發乃旣於
公文封面註塘撥飛遞字樣又私發硃票差役索取驛馬且查投遞
之各公文並非軍務票內又混開爲軍務事以致宜賓等縣恐蹈違

悞軍情之咎聽從應付均干例議所有違例擅發硃票索取驛馬之
寧遠府知府杜士秀沿途濫應之宜賓縣知縣陳善綱等相應一并
指叅再查調設驛馬原爲遞送軍務公文今該府給有緊急軍務硃
票支取驛馬除隆昌縣知縣王錫光以自乘馬匹給付例得免議外
其宜賓縣知縣陳善綱富順縣知縣俞起運實因恐致違悞軍情應
付驛馬與非軍務公文濫應驛馬者有間資州知州李懷智不假瞻
徇查明私票卽行據實詳報相應一并聲明統聽部議等因具題前
來查定例督撫以下各官違禁私用驛遞夫馬并私發牌票支取夫
馬者降二級調用應付州縣驛遞官員革職如州縣驛遞官員將私
牌票申報者卽將所報官員離任於應陞員缺不論俸滿卽陞等語
除隆昌縣知縣王錫光該撫旣稱以自乘馬匹給付例得免議等語
相應免議外應將違例擅發硃票索取驛馬之寧遠府知府杜士秀

照例降二級調用有紀錄六次應銷去紀錄四次抵降一級仍降一級調用沿途濫應之宜賓縣知縣陳善綱富順縣知縣兼署內江縣知縣事俞起運均照例革職將私票據實詳報之資州知州李懷智照例離任准其以應陞缺不論俸滿卽陞再該撫疏稱調設驛馬原爲通送軍務公文今該府給有緊急軍務硃票支取驛馬其宜賓縣陳善綱富順縣俞起運實因恐致違悞軍情應付驛馬與非軍務公文濫應者有間等語應否將陳善綱俞起運寬免之處恭候

欽定奉

旨依議其因擅取驛馬降調之杜士秀着詢問該督撫如居官果優著照所降之級從寬留任若係尋常供職之員卽照部議降調陳善綱俞起運俱從寬免其革職

成案彙編

卷十二 郵驛

二頁

撥給臺灣換班兵丁車費

乾隆八年五月十七日奉

上諭朕聞臺灣換班兵丁一切行李俱係各番社撥車供應原議每里給銀五厘資其飯食三年合算共需銀六百九十九兩五錢乃以彼地無公項可動以致文移往來未能按期給發查臺地有官庄項下征收租粟銀兩撥充內地各官養廉者着每年扣出二百三十三兩一錢零每逢三年合扣銀六百九十九兩五錢以爲換班兵丁僱備車輛之費至內地養廉之項則于司庫另行撥補庶兵丁無運載之艱而番黎亦免候頒之苦着卽傳諭該督撫知之欽此

陞任官不准撥兵護送案

兵部查叅事議得兵部奏稱查得川督黃 咨稱據委署左右兩營
守備董率道張文璧呈稱陞任工部尙書憲 起程赴京應撥兵八
名沿途接替護送相應詳請填發兵牌等情除給兵牌外相應咨明
等因到臣先經臣部議覆原任刑侍盧 奏凡陞任平常出差官員
一槩停其給發兵票應嚴行禁革倘再不遵一經察出將與受各官
從重治罪等因題覆通行在案今憲 陞任工部尙書赴京毋庸撥
兵護送乃該營將備據請撥兵護送該驛道不查成例遽請填給兵
牌該督撫亦不詳查是否合例遽行給發兵牌沿途護送均屬不合
相應奏明請

旨交與該部一并議處至憲 有無沿途令其護送之咎俟憲 到京將
兵牌投部之日查明另行查叅等因具奏續經憲 將沿途撥兵護

成案彙編

卷十一 郵驛

二百一

送兵牌投部前來查律例凡奏准事例故違者笞五十官員笞五十
者罰俸一年等語除鹽驛道曹源邠已經別案革職毋庸議外將混
請撥兵之守備董率道署守備千總張文璧均照例各罰俸一年至
四川陞任撫臣憲 接受兵牌令兵護送亦屬不合亦照例于現任
內罰俸一年並不詳查據文率轉之署叅將李文秀應照不行詳查
例罰俸六個月不行查明成例遽給兵牌之川督黃 應照疎忽例
罰俸三個月其沿途各官雖經發兵護送但該督既給兵牌自應按
照遵行與自行撥送者有間應將沿途各官免其查議可也雍正十
二年八月

驛馬交代折價代買馬匹舊員已故其價免追及私借驛馬治罪
案

刑部爲特叅折收驛馬勒索下屬等事看得獲嘉縣知縣蔡嵩年折
收驛馬勒索下屬一案據河撫雅 疏稱蔡嵩年侵扣空曠草料銀
十二兩五錢將蔡嵩年擬徒郭琚等擬杖等因前來據此應如該撫
所題蔡嵩年合依守掌在官財物侵欺者計贓以監守自盜論一十
二兩五錢杖八十徒二年律杖八十徒二年再該撫疏稱蔡嵩年名
下應追侵扣空曠草料銀十二兩五錢五分併收受土儀銀十一兩
四錢六分已經解交司庫蔡嵩年係侵扣贓銀並非因事受財貪婪
等贓已于限內全完應照原議免罪聽候部議等語將蔡嵩年照侵
盜那移等贓一年內全完事犯軍流徒罪免罪之例准其免罪段淑
賢之弟段二私借驛馬應與借給之段淑賢各依律杖八十查律載
一家共犯罪坐尊長段淑賢已經病故段二應照例免議其借驛馬
一匹共計一百日在段二名下照追價銀六兩入官段緒係伊父指
使亦應照一家共犯之律免議再蔡嵩年代買馬價銀二百四十二
兩係私相授受今段淑賢已故應照犯人身死勿徵之條免追至段
淑賢侵扣空曠草料銀五兩七錢應在段緒名下照追入官等語均
應毋庸議乾隆五年 月內奉

日依議

成案彙編

卷十二 郵驛

一百三

開復叅後買補站馬州縣

兵部爲特叅廢弛塘站玩忽軍需之員以肅郵政事會議得山西巡撫石 等疏稱查陽曲縣應換馬七匹于本年三月初六日到站應差查懷仁縣應換馬六匹于三月初十日入站應差查懷仁縣之葭家莊塘站雖非山路崎嶇站頭未遠但地當孔道奏本公文絡繹飛馳差使實係繁劇陽曲懷仁二縣馬匹均于限內賠補全完並無疲瘦缺額情弊與復任之例相符但懷仁縣知縣樓起相扶同出結應聽部議所有被叅之陽曲縣知縣孔興宗相應具題復任等因前來查陽曲等縣應換馬匹該撫石 等既稱均于本年三月初六日限內賠補全完並無疲瘦缺額情弊等語應毋庸議再查定例驛馬疲瘦者該督撫查明果係地當孔道山路崎嶇站頭又遠差使繁劇者題叅之日卽于疏內聲明將本官暫行解任限一個月賠補全完題

請復任等語今該撫等雖稱陽曲縣知縣孔興宗疲瘦馬匹雖非山路崎嶇實係地當孔道題請復任等語但查此案先經該巡察等將陽曲縣知縣孔興宗等以疲瘦馬匹扶同捏結題叅并遵例聲明並非山路崎嶇係平坦大道等語兵部會同吏部照驛站廢弛例將陽曲縣丁憂知縣孔興宗懷仁縣知縣樓起相均議以草職樓起相又因扶同出結議以草職註冊具題奉

旨依議孔興宗樓起相俟伊等任內事件交代清楚後着赴部引見欽此欽遵在案與暫行解任限內賠補全完復任之例不符應將該撫所請陽曲縣知縣孔興宗復任之處無庸議仍令該撫將孔興宗等遵旨給咨赴部引

見可也雍正九年七月內奉

旨孔興宗樓起相俟引見之日再降諭旨

虧空驛馬先行動項買補于犯人名下追價補項案
河督王 特叅貪婪等事續叅叅草鄭州知州于林虧空銀穀驛塘
馬匹一案聲明鄭州路當孔道差使最繁應請照虧空倉穀之例先
動公項銀兩買馬應差仍于于林名下照數勒追補項等因雍正十
二年四月內奉

旨這所叅于林虧空銀穀馬匹情由該督一并嚴審究追具奏該部知道

倒斃驛馬侵蝕閏月銀兩案

刑部據實詳揭事看得署清水驛事金縣典史李陝虧缺疲瘦馬匹及虧空各年支直閏月銀兩一案據蘭巡撫許 將李陝照例擬斬准徒五年年逾七十照律收贖驛書高智天頭趙元吉擬杖具題前來應如所題李陝除倒斃疲瘦馬牛輕罪不議外合依侵盜錢糧一千兩以下仍照監守自盜論擬斬准徒五年例應徒五年又年逾七十照律收贖該撫既稱不行稟解之驛書高智照不應重律杖八十不行加意喂養以致倒斃馬二十四匹之夫頭趙元吉應照牧養馬牛死者一頭笞三十每三頭加一等律杖八十斃牛十五隻之夫頭高朋弟應照律杖七十均照例先行折責革役等語應毋庸議再該撫疏稱查倒斃馬牛疲瘦馬匹業經該署驛丞蔣君佐照數買補足額除李陝交存疲瘦馬匹變價着追外所有添買請支雍正八年茶

茶規銀二百七十一兩九錢應與李陝侵蝕閏月工料銀一百八十八兩七錢零并歷年支過下剩以及馬牛空缺草料共銀一百八十五兩一錢零一并于李陝名下照數勒追還項等語應令該撫在于李陝名下照數勒追分別還項報明戶部查核可也雍正十二年十月奉

旨依議

細故毆打馬夫案

吏部議內閣中書舜岱奉差賚

詔凡經過地方理宜謹守法度乃因蠟燭細故毆打馬夫又以不伺候供
應咆哮公堂生事滋擾殊屬不合應將舜岱照差使馳驛官員不嚴
束同行跟役人等將驛地人員辱罵毆打例革職雍正十三年十二
月內奉

旨依議



成案彙編

卷十二 郵驛

一百五

教職身故資助回籍案

戶部准蘓撫邵 咨請示覆等因查各省微員身故資助回籍案內
向有教職一項卽經本部於歲底查明彙題在案今南匯縣訓導劉
一柱病故不能回籍應令該撫于存公耗羨銀內酌量資助給伊家
口令其回籍仍於歲底耗羨冊內聲明查核乾隆二年二月准咨

微員回籍路費妻柩不准給與案

戶部爲欽奉

上諭事准晉撫石 咨查先經本部原議內開嗣後縣丞以下告病休致以及被參革職解任微員按其父母妻孥每一名口每千里給與盤費銀一兩本身病故給扶柩銀十兩其父母隨任病故尤可憫恤自應酌給銀兩以爲扶柩之資俱照程途遠近扣算給發仍查明實係窮苦不能回籍者方准動支不得濫行給發等因在案今病故巡檢陳丕顯該撫旣稱非獨旅柩難歸尙有眷屬現在滯跡汾陽實係窮苦不能回籍造具家口程途里數冊籍咨送等語查冊開病故巡檢陳丕顯靈柩一口并家口七名口應需扶柩盤費銀七十六兩五錢與例相符應行該撫在于乾隆四年存公項內動用資助回籍其冊造伊妻唐氏靈柩一口并所請伊病故胞兄陳友虞靈柩應否賞給歸柩路費之處查原議俱無准給之例不便給發相應一并咨覆該撫可也

差官勒索夫船州縣被勒應付免議案

廣東將軍栢之蕃爲題叅事雍正十年七月 日奉

旨廣東防禦董大儒李致和督押寡婦船進京在江西贛縣多索船隻擾累地方目無功令着交部嚴加議處具奏該縣知縣遭其措勒不獲已自捐養廉僱船給與卽據實詳明並無過失至于勘合內填寫並無多索字樣亦出于不得已蓋不如此填寫則差官等逗遛不去必致地方多受擾累乃將軍栢之蕃不察情理將知縣劉鎬一併叅奏請交督撫審明定擬甚屬錯謬劉鎬不必交議該部知道



Handwritten text at the top center, possibly a title or reference number.

